

光緒重修安徽通志

重修安徽通志卷八十四

食貨志

儲積

賈生有言曰積貯者天下之大命也故自漢立常平倉因時糴糴以便民而後世之社倉義倉悉仿行之雖未能通三十年之積亦一時補助之善法矣然非常得聰明仁愛之令與夫忠信明察之士并心一力以謹其出納而杜其奸欺則其法之難守必有如朱子所慮者夫豈獨社倉然哉安省額設常平儲備二倉又令民間捐立社倉常積穀至百五十餘萬其非經制者益多不勝紀前以節年賑貸及借支兵餉之後尙未能悉復舊制而時和年豐俗崇儉樸思仰副

聖天子廩念民依之意則未有亟於謹蓋藏而廣儲峙者述食貨志

儲積

漢文帝即位賈誼說上曰積貯者天下之大命也苟粟多而財有餘何爲而不成鼂錯復說上曰務民於農桑薄賦斂廣畜積以實倉廩備水旱故民可得而有也粟者王者大用政之本務使天下入粟於邊以受爵免罪不過三歲塞下之粟必多帝從之

漢書食貨志

武帝初都鄙倉庾盡滿太倉之粟陳陳相因充溢露積於外

食貨志

宣帝五鳳中耿壽昌白令邊郡皆築倉以穀賤時增其價而糴以利農穀貴時減價而糴名曰常平倉民便之

漢書食貨志

齊武帝永明中立常平倉市積爲儲詔於揚州

治建業

出錢千九

百一十萬南徐州

治京口

二百萬各於郡所市糴南荆河州

治壽春

二 市絲縣紋錦布米大麥

文獻通考

唐

久獻通考

凶荒則有社倉賑給不足則徙民就食諸州尚書左

丞戴胄議自王公以下計墾田秋熟所在爲義倉太宗善之其

後洛相幽徐齊并秦蒲州又置常平倉粟藏九年米藏五年下

涇之地粟藏五年米藏三年皆著於令

唐書食貨志增修

明皇開元七年敕荆揚等州并置常平倉

文獻通考

天寶八載義倉糧淮南道四百八十四萬八百七十二石江南

道六百七十三萬九千二百七十石常平倉糧淮南道八萬一

千一百五十二石江南道闕

文獻通考

宋太祖乾德初詔諸州於各縣置義倉

宋史食貨志

眞宗景德三年言事者請於京東西河北河東陝西江南淮南

兩浙皆立常平倉歲夏秋視市價量增以糴糶減價亦如之三

年以上不糶卽同充糧廩易以新粟

宋史食貨志增修

仁宗景祐中淮南轉運副使吳遵路言本路丁口百五十萬而

常平錢粟纔四十餘萬歲饑不足以救恤願自經畫爲二百萬

他無得移用許之

宋史食貨志

孝宗乾道閒江南民艱食朱熹請於府得常平米六百石販貸

夏受之於倉冬則計米加息以償自後隨年斂散歲歉則蠲其

息之半大饑盡蠲之凡十有四年得息米若干除以原數償府

外見米三千一百石造倉貯之名社倉焉自此不復收息每石

止收耗米三升鄉閭閒雖遇凶年民不乏食淳熙中奏於朝請

行於倉司

文獻通考附朱子社倉記

始予居建之崇安嘗以民饑請於郡守徐公嘉得米六百斛以

貸而因以爲社倉今幾三十年矣其積至五千斛而歲歉散之里中遂無凶年中閒蒙恩召對輒以上聞詔施行之而諸道莫有應者獨閩帥趙公如愚使者宋公若水爲能廣其法於數縣然亦不能遠也紹興五年春常州宜興大夫高君商老實始爲

之於其縣善卷聞賈諸卿凡爲倉者十一合之爲米二千五百
餘斛擇邑之賢者承讓郎趙君善石周君林承直郎周君世德
以下二十餘人以典司之而以書來屬予記予心許之而未及
爲也會是歲浙西水旱常州民饑尤極流殍滿路願宜與獨得
下熟而貸之所及者尤有賴焉然予獨慮夫貸者之不能償而
高君之惠將有所窮也明年春高君將受代以去乃復與趙周
諸君皆以書來趣予文且言去歲之冬民負米以輸者經屬等
先視貸籍無會合之不入予於是益喜高君之惠將得久於其
民又喜其民之信愛其上而不忍欺也則爲記其所以然者抑
又慮其久而不能無弊於其閒也則又因而告之曰有治人無
治法此雖老生之常談其實不可易之至論也夫先王之世使
民三年耕者必有一年之蓄故積三十年則有十年之蓄而民
不病於凶饑此可謂萬世之良法也其次則漢之所謂常平者
今固行之其法亦未嘗不善也然考之於古則三登太平之世
不常有而驗之於今則常平者獨其法令簿書筭鑰之僅存耳
何也蓋無人以守之則法爲徒法而不能以自行而況於所謂
社倉者聚可食之物於鄉井荒閭之處而主之不以任職之吏
取之不以流徒之刑苟非常得聰明仁愛之心一力以謹其出納而
信明察之士如今日之數公者相與並心一力以謹其出納而
杜其姦欺則其法之難守不待他日而見之矣此又予之所身
試者故必書之以告後之君子云

元立義倉於鄉社置常平倉於路府

元史食貨
志新増

明洪武三年詔在京軍儲倉增設京畿漕運司官專督其事明

洪熙元年諭戶部豫備倉儲比之前代常平最為良法宜編行

天下申明舊典勿事虛文

明典

宣德八年南直巡撫周忱奏定濟農倉法飭諸郡力行

明典附

疏略

應天鎮江太平甯國諸府舊有石臼等湖其中港溝歲辦

是以每遇山溪泛漲水有所洩不為民患近者富豪之家築成

圩田排遏湖水每遇水漲患即及民宜悉平之又各處被災恐

預備倉儲賑濟不敷請以折銀糧稅悉徵本色於各倉收貯俟

青黃不接之際出糶於民以所得銀物上納京庫則官稅不損

民亦得濟

嘉靖四年廬州知府龍誥修葢義倉置買義田行賑糶賑貸賑

濟之法又條積蓄便民八事覆准通行各府州縣隨宜酌處以

備賑濟有成效者具奏加升如例

明典

國朝直省州縣衛所各設常平倉凡米麥穀豆高粱咸貯該管官司其出納歲歉賑借平糶年豐出陳易新計一歲之出入造具奏銷冊籍申府司達督撫彙造送部查覈

順治十二年

旨各府州縣俱有預備常平倉及義倉社倉積貯備荒責成該道員稽查舊積料理新儲每年二次造冊報部察積穀多寡分別議奏以定功罪

十二年題准各衙門自理贖銀春夏積銀秋冬積穀悉入常平倉備賑置簿登報布政司彙報督撫歲底造報戶部如有假公濟私隱匿漏報者督撫查參其鄉紳富民樂輸者地方官多方鼓勵勿勒定數勿使胥吏侵剋及加耗滋弊

十三年議准積穀賑濟務令修葺倉廩印烙倉斛選擇倉書糶

糴平價不許別項動支倉穀

十七年議准常平倉穀春夏出糴秋冬糴還平價生息務期便民如遇凶荒卽按數給散災戶貧民飭有司實力奉行

康熙十八年題准地方官整理常平倉每歲秋收勸諭官紳士民捐輸米穀照例議敘鄉村立社倉鎮店立義倉捐輸積貯公舉本鄉敦重善良之人管理出陳入新春月借貸秋冬償還每石取息一斗歲底州縣將數目呈詳上司報部管倉人儲穀多者題明給頂帶榮身有官吏招剋者照侵欺錢糧例處分有強派抑勒借端擾民者該督撫題參治罪

十九年覆准直省常平倉穀畱本城備賑義社倉穀畱本村備

賑永停協解外郡

附

徐國相積穀救荒疏

爲積穀爲救荒之要務官民有懼累之隱

情

祈

敕部永免撥解以鼓勵捐輸事竊惟水旱災傷乃世所不免惟在救濟有方預備有素則小民雖遇荒歉不

致顯而流離邇年以來江南等省災沴迭行各處民生困苦屢經
 歲秋收之時勸諭官紳士民捐輸米穀其在鄉村鎮店內台百
 姓自立社倉義倉勸諭收貯等因奉有諭旨欽遵移行
 到臣仰見皇上軫恤民生預籌備荒至計臣隨經轉行
 司道並有司各官實力舉行勸諭官紳士民捐輸收貯統俟年
 終將捐積數目照例造冊彙報外惟是臣屬常平倉穀石自康
 熙七年撥解淮揚充賑之後舊積既虛新捐無幾又緣風虞等
 府連年荒旱支用無存臣奉命行賑凡經過地方年饑
 官紳士庶積穀乃救荒要著何以平日不思預備以致凶年饑
 饉無以自濟咸稱積穀原備本地凶荒前奉撥協外郡不惟本
 地未獲實濟而撥運繁難腳費不貲反受賠累之苦所以人皆
 畏縮捐貲寥寥等語臣隨諭前因淮揚異災不過一時權宜將
 來不復撥解勒令量力捐輸以備本地支用然在地方有此懼
 累隱情非奉皇上敕諭後常平積穀准畱本地州縣備賑
 前仰祈義倉社倉捐穀各畱本村鎮備賑永免撥解外屬恭候
 命下之日臣大書榜示徧行曉諭將見鼓舞樂輸咸增月集於
 以備凶荒而濟民艱利賴永永無既矣

二十九年

上諭常平倉不必撥給兵米

重修安數通志

卷八十四

食貨志

儲積

五

上諭直省督撫嚴飭地方官吏家諭戶曉務使及時積貯度終歲所食常有餘儲

上諭定民之道宜裕蓋藏從來水旱靡常必豐年恆有積貯庶歉歲不憂饑饉如康熙二十七年頗稱歲稔誠使民間經營撙節早爲儲備何至二十八年偶遇旱禡室皆懸磬總因先時無備遂至餬口維艱比蠲除正賦特發帑金分行賑濟被災之眾始獲安全今霖雨時降可望有秋惟恐愚民不知愛惜物力狼籍耗費祇爲目前之計罔圖來歲之需應行各督撫飭令及時積貯庶終歲所食常有餘儲用副朕軫念民依綢繆區畫至意

又議准各省常平倉俱照直隸分貯各州縣州縣官有升遷事故離任者照交代收受正項錢糧例取具印結有短少者該督撫題參照虧空正項錢糧處分

三十一年

上諭積貯米穀最爲要務今正值麥石收穫之時應行各該地方官勸諭百姓令各戶量力捐輸積貯該州縣官將輸納之人姓名數目詳記冊籍其秋禾收穫以後亦依此例舉行如春月轉貸於乏穀之民俟秋月卽照此數償還備用每歲當收穫時遵行

三十四年題准江南捐積穀石以七分存倉備賑以三分發糶俟秋收買穀還倉

三十五年覆准江南出糶舊穀於本年爲始輪年挨次出易又覆准江南於各屬糶三銀內的提四萬石價銀解省俟秋成時買新穀貯省以爲下年存七糶三之用

四十一年

上諭直隸各省州縣雖設有常平倉收貯米石遇饑荒之年不敷賑濟

亦未可定應於各村莊設立社倉收貯米石直隸有滿洲莊頭可合數村立一社倉其管理社倉事宜令莊頭內有情願經管者交與收貯百姓村莊公設社倉百姓有情願經管者交與收貯以備饑荒傳諭直隸巡撫如設立社倉果有益於民生著各省亦照例於各村莊設立社倉收貯穀石大學士會同九卿詳議遵

旨議定設立社倉於本鄉捐出卽貯本鄉令本鄉誠實之人經管上歲加謹收貯中歲糶借易新下歲量口發賑

四十二年議准各省府州縣積貯米穀大州縣存萬石中州縣八千石小州縣六千石其餘按時價易銀解存藩庫其存倉米穀每以三分之一出陳易新

四十九年議准霉爛倉糧官員已經升任應革職畱於新任限一年賠完之日開復

六十年議准各省州縣現在存倉米麥穀石令該督撫嚴查如有虧空者勒限補足務期實貯以備賑濟儻有賑濟之時其存倉米穀虧空事發將有司官員卽行革職治罪暨不行稽查之上司一併嚴加議處

雍正元年議准常平倉積貯米穀定例歲底各省督撫造冊奏銷如有虧空卽行題參今各省存倉米穀雖有知府司道盤查管理不能保其一無徇私當貢之督撫校實嚴查造冊具奏督撫離任將冊籍交代新任限三箇月查核具奏如有虧空卽行題參新任督撫不據實參出後經發覺一併議處仍令分賠又議准安徽壽州等州縣收成歉薄於安慶府畱貯漕米十萬石內動米四萬石減價平糶俟秋收買補還項分貯鳳陽一萬石廬州府一萬石其餘二萬石仍運安慶收貯又覆准社倉

之法原以勸善興仁該地方官務須開誠勸諭不可苛派以滋煩擾至收貯米石先於公所寺院收存俟息米已多成造倉廩收貯設立簿冊逐一登明其所捐之數不拘升斗積少成多若有奉公樂善捐至十石以上給以花紅三十石以上獎以扁額五十石以上遞加獎勵其有好善不倦年久數多捐至三四百石者該督撫奏

聞給以八品頂帶其每社設正副社長擇端方立品家道殷實者二人果能出納有法鄉里推服令按年給獎如果十年無過該督撫題請給以八品頂帶徇縱者卽行革懲侵蝕者按律治罪其收息之多寡每石收息二斗小歉減息一半大歉全免其息祇收本穀至十年後息已二倍於本祇以加一行息其出入之斗斛照部頒斗斛公行酌量社長預於四月上旬申報地方官依例

給貸定日支散十月上旬申報依例收納兩平較量不得抑勒
多收臨放時願借者先報社長州縣計口給發交納時社長先
行示期依限完納其冊籍之登記一社設立用印官簿一樣二
本一本社長收執一本繳州縣存查登記數目毋得互異其存
縣一本夏則五月申繳至秋願出冬十月申繳至來春領出不
許遲延以滋弊竇每次事畢後社長本縣各將總數申報上司
如有地方官抑勒挪借强行糶賣侵蝕等事許社長呈告上司
據實題參

三年

上諭茲據江南浙江江西湖廣福建河南山西陝西廣東廣西雲南貴
州等省督撫報稱今歲秋成八九十分不等宜及此時講求儲蓄之
道以備將來該督撫等可轉飭有司徧行曉諭

全文恭錄
皇言紀

重刊欽定四庫全書 卷之十四
上諭積貯倉糧特爲備荒賑濟之用但南省地方甚屬潮溼米在倉一
二年便至霉爛實難收貯改貯稻穀似可長久應否改貯稻穀收貯
之處著詳議具奏遵

旨議定安徽但有稻穀原無存貯米石無容改易又覆准江安等省
所存米石俟易新穀既完之後每年額徵應給兵糧仍收米石
餘悉改徵稻穀各省均照此例其有虧空倉米者亦令悉以稻
穀追補還項凡有需用換年先碾舊穀支給儻需用米多一時
礱碾不及應給米一石者給穀二石

又議准州縣倉糧凡遇出陳易新之時令佐貳官公同收放如
州縣私自糶賣佐貳官不據實通報扶同隱匿一併參處
四年覆准凡地方倉廩有滲漏及牆垣木植不堅全者所需工
費無多該地方官卽爲修補若年久傾圮甃瓦木植破碎朽壞

者該地方官卽詳明上司委官估計工費報部卽動支正項修葺其有地方廩座無多將倉糧寄貯僧寺道院者或並無寄貯之處將米穀露囤者該地方官卽詳請督撫查勘確實將作何建倉之處酌量具題儻州縣官漫不經心因循怠玩不修補倉廩不詳請修葺以致米穀霉爛者照溺職例革職限一年內照動帑買補之數賠完限內不完卽照侵蝕錢糧例以未完米穀之數依律治罪倉廩旣經修造猶有託名霉爛虧空者查出卽照侵蝕例治罪

又題准安徽各府州縣雍正三年所存捐穀十萬石有奇內除太泗盱三州縣上年被災賑濟穀六萬九千餘石僅存三萬餘石將春撥冊內酌畱雍正三年地丁銀十萬兩於秋收分發各屬採買貯倉

四年十二月

上諭今歲江南地方秋雨稍多其江安所屬被水之州縣已令該督撫轉飭有司確查賑恤務使小民得所但聞入冬以後時有陰雨積水未消春麥未能及時耕種恐交春米價漸昂而青黃不接之時更須預爲籌及查江安道有存貯還漕一項約計二萬八千餘石安慶廬州鳳陽淮安四府各有分貯畱漕之項共計九萬餘石此米原爲地方備用而設但恐年月已久未必實貯在倉應差京官一員前往確查並會同江南督撫作何分別畱運平糶之法以濟民食江南地廣人稠恐需米之處此數未必敷用必設法多貯方覺寬裕其應作何採買運送備用之處著九卿速議具奏遵

旨議定江南地廣人稠需用米穀倍於他省動帑買運以濟民食恐稽時日暫照河工議敘貢監之例將銀兩改爲本色米穀每銀一

兩收米一石或穀二石鄰省之人亦准捐輸不論稷秬紅白兼收行文江南總督蘇州安徽巡撫一面動支正項錢糧委員於出產米石地方照依時價採買運送其採買若干運貯何地之處該督撫公同商酌妥議具奏一面行文鄰省並出示曉諭本省才俊令其急公赴輸且分別府州縣之大小酌量應輸米穀之多寡俟各該處應貯米穀捐足之日卽行停止其所收米穀加謹存貯按季造冊報部如有私自收取折銀並勒索包攬情弊卽行指名題參從重治罪此所貯米穀有應用平糶賑散出借之處該督撫一面具題一面卽行動支將動用數目報部查覈

六年

上諭積貯米穀所以備旱澇緩急之需民命攸關若倉廩不足必有霉

爛虧折等弊嗣後著將各府州縣倉廩入於交盤項內新舊交代若傾圯滲漏及木植朽壞之處著接任官卽行揭報不准接受儻有徇情濫受者卽係接任官之責除照例處分外仍令賠修欽此遵

旨議定各府州縣倉廩入於交盤項內交代如有傾圯滲漏著接任官揭報將前任官照例議處賠修如接任官徇情濫受卽將接任官議處責令賠修其霉爛虧空米穀著接任官限年賠完若接任官藉端勒索亦卽題參

九年安慶巡撫程元章酌議平糴還倉新舊交代例附疏略存倉穀歷年久遠必有滲漏每歲當春月青黃不接之時存七糴三銀貯府庫秋收買補還倉三年之間將存貯穀石徹底換新既有濟於民生且有益於倉儲洵爲經久無弊之道且春月價必昂秋收買補有多餘之穀另倉存貯聽撥公用查上江數年以來各州縣並未平糴直至新舊交代之際盤量折耗民不無好穀官民俱爲未便探厥所由皆以糴賣之後交代推諉每致掣肘所以至於滲漏參賠而必不敢以言平糴也臣思倉穀

交代原應實貯在倉春糶必須秋糶請以十月開倉收清爲期如十月十五日以前接印交代所存穀價仍令舊官買補運倉按時定議舊官必及時買補不敢延換新官必按時接買無敢勒指如此則新舊官俱無掣肘而民受平糶之益矣
十一年覆准安徽鳳陽亳州等處地產粟穀稻非本地所出嗣後凡產粟穀之處每逢糶三卽准其買粟補倉挨年易換其多餘價銀增買粟穀俟買足之時分別報部查覈

乾隆二年題准安徽地土高燥之滁州等七州縣及鳳陽潁州二府石埭等十二州縣常平貯穀照例存七糶三其臨近江湖地形卑下溼氣最重之安慶等十府州懷甯等三十八州縣減價糶半存半

七年

上諭各省常平倉穀每年存七糶三原爲出陳易新亦使青黃不接之時民閒得以接濟當尋常無事之際自然循例辦理若遭值荒歉穀

價昂貴小民難於謀食而仍存七糶三則閭閻得穀幾何大非國家發穀平糶之本意也嗣後凡遇歲歉米貴之年著該督撫卽飭地方官交出倉儲減價平糶務期有濟民食毋得拘泥成例

上諭各州縣之設立常平倉積貯米穀原以備地方一時緩急之需所關甚重朕爲此備極焦勞多方籌畫務期倉儲有賴早潦無虞年來所頒諭旨亦深切著明矣夫收貯米穀必須倉廩堅固始爲經久之計是以從前降旨將倉廩之完整與否一並入於交盤之內以爲州縣官之考成今聞各省之中偏僻之邑竟有向來本無倉廩而有司苟且因循不行詳請督撫藩司等亦忽然不察致將養民備荒之具或寄頓於寺廟或借放於紳士富戶之家而霉爛虧折生事滋擾之弊多由此起大非朕慎重民儲之意凡各省未有倉廩之州縣著該督撫詳悉查明商酌卽行建造其造倉之費或動用正項錢糧或支

給存公銀兩著該督撫酌量本地情形悉心定例具奏

增

八年議准買補倉穀如果一時價難足數本地有穀之家情願出售於官者議定價值必見穀交銀官爲經理輓運無得議發價銀強行派買亦不得勒令賣戶上倉交納以致愆期捏報擾累民生

九年

上諭積貯乃民食所關從前各省倉儲務令足額原爲地方偶有水旱得資接濟是以常平之外復以捐貯多方儲蓄無非爲百姓計後因糴買太多市價日昂誠恐有妨民食因降旨暫停採買俾民間米穀自在流通價值平減亦無非爲百姓計也乃近聞各省大吏竟以停止採買爲省事不思常平之設不特以備荒歉卽豐稔之年當青黃不接之時亦得藉以平糴於民食甚有關繫從前所降諭旨總在督

撫大吏奉行之時將實在情形籌酌妥協其閒因時制宜原不可執一定之見今因停止採買之令遂任倉廩缺少置而不理將來必致糴借無資固非設立常平本旨又豈朕停止採買之本意乎各省督撫務須斟酌地方情形畱心辦理應買則買應停則停總在相機籌畫不可膠執定見希圖省事

十一年

上諭各省積貯原以備民間荒歉之用今歲豐稔之處尚多正宜趁此時畱心籌畫豫爲積貯民食之計俾不致穀賤傷農但必以本地之穀補本地之倉恐收成分數不齊產米多寡不一或因一時採買米價又致昂貴有妨民食著各該督撫酌量所屬地方情形有二麥既豐而秋成又稔者動撥屢年所存穀價分路採買亦不必迫期足額務須妥協辦理使倉儲可以漸充而米價不致增長

十三年

上諭邇年以來各省米價日見加增反覆推究莫知致此之由常平積貯所以備不虞而眾論頗以爲採買過多致米價益貴因思生穀止有此數聚之官者太多則留之民者必少固亦理勢之自然考之康熙雍正年間各省常平已有定額直省常平積穀之數應悉准康熙雍正年間舊額其加貯者以次出糶至原額而止或鄰省原額不足卽就近撥運補足所需運價照例報銷其如何彼此撥運並酌定原額及原額存糶之法著大學士會同該部悉心妥議具奏欽此遵旨議定直省常平倉所貯米穀康熙年間或未經定額或定額無多難以稽考應照雍正年間舊額

又議准收捐監穀原以實倉庾而備荒歉各省現在俊秀報捐除山東江南福建四川停其在內收捐山東賑恤用繁兼准在

外收捐折色外其餘各省悉照在外收捐本色在內收捐折色之例辦理今各省常平積貯既經定額則收捐監穀自無容於額外增貯除不敷定額之省仍以收捐補足外其額外有餘各省所收本色應令別案存貯遇有賑恤卽於此內撥用或平糶倉穀不能買補卽將此項倉穀撥抵所存糶價造冊報部酌撥十五年題准安徽各屬常平倉定額通省九十四萬二千石爲准每大州縣額貯米萬二千七百石至萬八千石中州縣額貯米萬四千石至萬七千石小州縣額貯米萬一千石至萬四千石府倉自八千石至萬五千石不等

二十二年覆准各州縣出糶倉穀將價銀造冊送司報部

二十三年

上諭各省倉儲向例春借秋還青黃不接之時貧民旣得資其接濟而

秋收後卽照數徵收穀石可以出陳易新兼不至侵蝕縣欠至次年又可查覈待借貧戶再行借給若不如期催令完納而以舊欠作新領則借出之項年復一年不肖書役卽從中影射侵蝕更有欠戶逃亡事故日久遂致無著者且舊時領借之戶尚欠而現在待借之戶甚殷倉儲旣虛勢不能另爲籌給是雖設倉備借仍屬有名無實大非慎重儲積賑恤困乏之意嗣後各督撫務當嚴飭所屬實力奉行除緩徵州縣外所有民欠倉穀各令依限還倉其有捏欠作完以欠作領卽查明參處庶俾借欠不致久懸蠹弊可清而緩急有備

二十九年奏准各省州縣存倉米穀除實遇歉收之年米價過昂非糶三可濟民食者准其據實具詳酌量多糶其尋常歲稔價平之年不必拘定糶三之例或竟可全數停糶或止需酌糶十分之一二總看各處情形臨時酌辦

四十一年議准直省常平倉凡米麥豆穀高粱按各處出產折
算穀數安徽省大麥粟穀秫一石粟米黃豆小麥五斗

五十七年

上諭各省常平社倉係仿照周官荒政而設原以備水旱偏災糴借放
賑之用乃各省督撫每年俱彙奏倉庫無虧遇有偏裃歉收並未據
奏聞動撥倉穀以濟饑民卽如本年直隸畿南一帶因旱歉收經朕
降旨詢問何不將倉貯穀石先行動撥據該督奏各該處額儲穀石
除連年出借籽種及本年平糶外所存無多不敷散賑等語可見各
省倉儲並不能足數收儲此皆由不肖官吏平日任意侵挪虧缺甚
或借出陳易新爲名勒賣勒買短價剋扣其弊不一而足以古人之
良法轉供貪黷之侵漁而該督撫等並不實力稽察惟以盤查無虧
一奏了事以致各省倉儲俱不免有名無實備荒之義安在乎該督

撫等向來因循怠玩此後務當認真整飭實力稽察使倉穀豐盈以期有備無患若再仍前怠忽任令州縣侵挪短缺將來朕特派大臣前往抽盤一經查出參奏恐督撫不能當此重戾若因有此旨復任地方官借詞採買有勒派短價情弊將該上司及州縣一併從重治罪決不寬貸勿謂教之不早也

嘉慶四年

上諭國家設立常平倉穀原備民間緩急之需若不照額存貯僅將穀價貯庫猝遇需米之時豈銀兩所能濟用日久挪移並有穀價亦屬虛懸者有名無實均屬不成事體著通諭直省各督撫通行所屬一體稽查據實具報如有缺額及存貯穀價之處以本年秋收爲期除被災州縣酌量情形另行勒限買補外其餘各州縣務令及此豐收買補實貯不得仍前僅存穀價或恐市價增昂惟當臨時調劑不得

藉詞搪塞並嚴禁各衙門書吏剋扣抑勒諸弊儻敢虛應故事並不實力整飭一經發覺必將各督撫及原虧各員分別治罪勿謂誥誡之不豫也

五年

上諭各省倉儲關係各省民食軍糈若於地方年歲豐稔之時不行買補足數設遇一隅偏祲或他省有需用之處何以接濟此皆守土大臣所應隨時經畫者儻經此番訓諭之後各督撫等於倉儲仍不肯實力整頓一經查出必當重治其罪

上諭向來各省採買穀石原應按限補足以實倉儲然各省收成分數豐歉不一亦須分別辦理嗣後各省辦理買補均須各按年歲情形分別查辦以期民食倉儲兩無妨礙

上諭採買一事遠赴鄰封自需運腳若地方官以運費無出爲詞因之

派累閭閻巧爲朘削是便民而轉致累民嗣後除各省附近水次舟楫可通地方著卽於鄰境採買外其不通水路者仍准其在本地採買不必遠赴鄰封該督撫等惟當督飭所屬公平採買以期民無擾累而倉歸實貯儻有短發價值以及勒派折收等弊經朕訪聞或科道糾參則惟該督撫等是問

六年

諭各省州縣設立常平倉存貯穀石定有額數原以備本處水旱偏災平糶賑濟之用若倉儲充實取之裕如何至民食難於接濟總由各州縣平日不能實心經理或出糶後並未隨時買補還倉或竟任意侵挪虧缺以致積貯空虛猝遇偏災茫無所措嗣後各督撫等總當於各州縣倉貯根本要務悉心講求實力整頓務使倉穀實貯方爲有備無患經朕此次訓諭之後或隔一二年不拘何時特派大臣

親往盤查若再有短缺惟該督撫是問

十九年奉

上諭戶部奏查覈各省常平倉穀額貯現存未買各數目開單進呈朕詳加披閱內惟四川一省實貯在倉並無動缺外其各省節年動缺未買倉穀自一萬餘石至五百餘萬石不等積貯爲民食所關國家設立常平倉存貯穀石爲有備無患之計各該省遇有動用必須隨時買補顆粒無虧以期緩急有恃今各省倉穀動缺如此之多日久虛懸延不買補實屬玩視倉儲不得不嚴定章程畫一辦理著該督撫查明所屬倉穀動缺未買補者若干各按地方之大小兼視年歲之豐歉自行奏明立限買補各省俱以四川爲式務令實貯無虧候補足數卽行奏聞該督撫惟當實心查察毋令各州縣藉採買爲名有多買短發浮收勒索情事以致累及閭閻更不得以無報有以少

報多自蹈虛飾之咎將此通諭知之

道光元年奉

上諭卿祖培奏請除採買倉穀積弊一摺各省常平倉平糶及動缺穀石應於豐收之年分別鄰境本地乘時採買嚴禁短價勒派折收等弊立法本極周備今如卿祖培所奏各省竟有短發價值浮買折價設法展限甚至將不肯承買之人鎖押羈禁交倉之時又復任意挑斥上司迴護屬員致小民不敢申訴等弊自應申明舊例嚴行禁絕著通諭各督撫遇有應行採買之時附近水次各州縣祇准鄰封採買其由本地採買者將應買穀數及年限時價明示曉諭如有浮收勒折等弊該督撫卽行參奏按例嚴辦毋得扶同徇隱以杜苛派而裕民生

五年

上諭前年安徽偶遇荒歉賑撫兼施該撫請設立義倉為未雨綢繆之計所議章程如州縣中每鄉村公設一倉秋後聽民捐輸歲歉酌量散給出納悉由民開經手不假官吏防侵蝕以禁騷擾矜貧寡而杜爭端各條著即移交新任巡撫照議妥為經理

全文恭錄
皇言紀

常平倉通省額儲捐積米九十四萬七千石儲備倉儲穀麥一十七萬七千五百六十六石六斗六升六合有奇社倉儲穀四十萬三百石

安慶府屬常平倉額儲捐積米十萬七千石

懷甯縣一萬七千石加儲米二千五百石

一百石又歸併府倉一萬五千石加儲米二千五百石

桐城縣

一萬七千石 望江縣一萬四千石

懷甯縣五千石

望江縣一萬一千石 儲備倉儲穀二萬四千石

桐城縣

五千石 宿松縣三千五百石 望江縣三千五百石

社倉儲

穀三萬九千九百石

懷甯縣八千石 太湖縣六千三百石

宿松縣六千三百石
望江縣五千石

徽州府屬常平倉額儲捐積米九萬三千石
歙縣一萬七千石 休甯縣一萬七千石

千石
婺源縣一萬四千石 績溪縣一萬四千石 祁門縣一萬四千石 休甯縣一萬四千石 社倉儲穀

四萬二千九百石
歙縣八千石 祁門縣六千三百石 休甯縣八千石 婺源縣六千三百石

百石
績溪縣六千三百石

甯國府屬常平倉額儲捐積米九萬石
宣城縣一萬七千石 涇縣一萬七千石 南陵縣一萬四千石 太平縣一萬四千石 旌德縣一萬四千石 甯國縣一萬四千石 南陵縣一萬四千石 太平縣一萬四千石 旌德縣一萬四千石 甯國縣一萬四千石

六千石
宣城縣八千石 甯國縣二千石 南陵縣二千石 社倉儲穀四萬一千二百石

石
宣城縣八千石 涇縣八千石 旌德縣六千三百石 南陵縣六千三百石 太平縣六千三百石

石
宣城縣八千石 涇縣八千石 旌德縣六千三百石 南陵縣六千三百石 太平縣六千三百石

池州府屬常平倉額儲捐積米八萬六千石
貴池縣一萬四千石 又歸併府倉八千石

千石
青陽縣一萬四千石 建德縣一萬四千石 銅陵縣一萬一千石 東流縣一萬一千石

儲備倉儲穀二萬石貴池縣五千五百石 青陽縣五千五百石 銅陵縣五千五百石 東流縣三千五百石

五百石社倉儲穀三萬五千二百石貴池縣六千三百石 青陽縣六千三百石 銅陵縣五千二百石

千石石埭縣六千三百石 東流縣五千石 建德縣六千三百石

太平府屬常平倉額儲捐積米四萬七千石當塗縣一萬四千石 又歸併府倉入

千石蕪湖縣一萬四千石 繁昌縣一萬一千石儲備倉儲穀一萬五千石當塗縣六千石 繁昌縣四千石

繁昌縣四千石社倉儲穀一萬七千六百石當塗縣六千石 繁昌縣四千石

湖縣六千三百石繁昌縣五千石

廬州府屬常平倉額儲捐積米七萬四千石合肥縣一萬四千石 又歸併府倉一

萬石無為州一萬四千石 巢縣一萬四千石儲備倉儲穀

三萬五千石合肥縣六千石 廬江縣四千石 舒城縣五千石

倉儲穀二萬八千九百石合肥縣六千三百石 廬江縣五千石 舒城縣五千石

三百石巢縣六千三百石

鳳陽府屬常平倉額儲捐積米一十三萬二千石鳳陽縣一萬八千石又歸

併府倉一萬石歸併臨淮倉一萬四千石懷遠縣一萬四千石

石定遠縣一萬四千石壽州一萬七千石鳳臺縣一萬四千石

石靈璧縣一萬四千石儲備倉儲米麥穀合一萬三千六百

六十六石六斗六升六合有奇鳳陽縣米五千石壽州穀四千石

鳳臺縣麥一千五百石宿州小麥一社倉儲穀四萬九千

千六百六十六石六斗六升六合有奇

二百石鳳陽縣八千石懷遠縣六千三百石定遠縣六千

八千石靈璧縣六千三百石壽州八千石

額州府屬常平倉額儲捐積米九萬二千石阜陽縣一萬八千

四千石太和縣一萬四千石阜陽縣小麥二萬五千石儲備倉儲麥

穀合一萬六千九百石太和縣小麥二千石社倉儲穀四萬一千二百石

麥二千五百石蒙城縣太和縣小麥二千石

阜陽縣八千石太和縣六千三百石蒙城縣六千三百石

滁州併所屬常平倉額儲捐積米四萬五千石滁州一萬七千石全椒縣一萬七千石

萬七千石來安縣一萬一千石來安縣一萬一千石儲備倉儲穀六千石滁州二千石全椒縣二千石

社倉儲穀二萬一千石滁州八千石來安縣五千石全椒縣八千石

和州併所屬常平倉額儲捐積米三萬一千石和州一萬七千石含山縣一萬七千石

萬四千石儲備倉儲穀二萬石和州二萬石社倉儲穀一萬四千三百石

和州八千石含山縣六千三百石

廣德州併所屬常平倉額儲捐積米三萬一千石廣德州一萬七千石

平縣一萬社倉儲穀一萬四千三百石廣德州八千石平縣六千三百石

六安州併所屬常平倉額儲捐積米三萬九千石六安州一萬七千石

山縣一萬一千石霍山縣一萬一千石霍山縣一萬一千石社倉儲穀一萬八千石六安州八千石英山縣五千石

石霍山縣五千石

泗州併所屬常平倉額儲捐積米八萬石泗州一萬八千石又歸併虹倉一萬四千石

石 盱眙縣一萬七千石 天長縣儲備倉儲穀一萬一千石
一萬七千石 五河縣一萬四千石
盱眙縣五千石 社倉儲穀三萬六千六百石 泗州八千石 又歸
天長縣六千石
石 盱眙縣八千石 天長縣
八千石 五河縣六千三百石

謹案司冊兵燹後各屬倉穀無存新設渦陽縣倉制未備

重修安徽通志卷八十五

食貨志

物產

山川磅礴靈秀之氣鍾於人爲聖賢爲豪傑爲文章節義士鍾於物則爲飛潛動植珍異之材皖省於九州屬揚書稱任土作貢似當不在閩粵諸邦之後乃所列三金瑤琨篠簜齒革羽毛織貝橘柚均非今日皖產而我

朝例進方物亦祇紙墨硯扇茶棗粉麪之屬無他徵求豈非以布帛菽粟之區不必以珍異貴歟自軍興以來百產精英不無消耗然天地絪縕萬物化生所謂飛潛動植以供生人之用者固日出而不窮也述食貨志物產

穀之品曰麥曰稻曰菽麥之類曰小麥曰麴麥

即大麥也

曰菽麥稻

之類曰秬曰穠曰稷秬之屬有早白秬觀音秬銀條秬六月秬

蘆桿秬等類穠之屬有羊脂穠麻助穠雀不知虎皮穠豬鬃穠

光頭穠等類稷之屬有紅芒白芒之不同菽之類曰大豆青黃黑其

色三曰菜豆曰赤豆曰豌豆曰蠶豆曰穠豆又有長而架生者曰

刀豆曰豇豆洲渚野生者曰穠豆黍之屬二有黑黍有赤黍稷

之屬曰小米麻之屬曰胡麻有黑白二種以色黑者為佳即芝麻

蔬之品曰菰曰筍曰芥曰芹芹有二曰青芹曰白芹曰韭以春初為

勝曰蔥曰蒜曰薑曰莧曰茄曰薺曰菌有五色黑者微毒食宜慎曰蒿苳曰

蘿菔野生者曰漚藍瓜之屬曰王瓜曰絲瓜曰西瓜曰甜瓜曰

苦瓜曰冬瓜曰北瓜其生於水者曰茭瓜曰菱菜曰蒲菜味甜

而膩粉者曰薯蕷一名山藥曰芋大青為芋頭即荷也

果之品曰桃曰李曰杏曰梅曰棗曰柿曰橘曰橙曰橘曰梨曰

香櫞曰木瓜曰榧子曰林檎曰櫻桃曰栗曰蓮曰蕩曰菱曰芰
曰芡曰鳬茨曰落花生曰甘蔗

服用之屬有紗有綢有緞有棉布有絹有麻有葛布有土布有
絲縣有土綢有攢綢合絲為縹尤堅而可久有羽扇有摺扇有竹絲器有

螺鈿漆器

木之屬曰柏曰松曰檜曰桑曰柘曰楮曰榆曰槿曰槐曰檀曰
椿曰栲曰楸曰棟曰梧桐曰楊曰柳曰冬青曰石枺曰烏柏曰
阜茨曰合歡曰楓香曰杉曰梓曰椶曰黃楊

竹之屬曰筍竹曰淡竹曰蕪竹曰水竹曰牙竹曰斑竹曰紫竹

曰木竹

其質厚味辣又名剛竹

曰鳳尾竹曰慈孝竹

二者尤細茂可愛

草之屬曰芭蕉曰雁來紅曰映山紅曰藍曰莎曰苔曰鳳尾曰
翠雲曰吉祥曰萬年青曰虎耳曰蓼曰蘋曰荇

花之品曰梅梅有三曰玉蝶曰綠萼曰硃砂以綠爲勝外此有

蠟梅曰桃曰李曰杏曰梨曰夾竹桃曰玉芙蓉曰木筆即辛夷曰

玉蘭海棠有四曰西府曰垂絲曰貼梗曰毛葉外此草本則秋

海棠也曰紫薇曰薔薇曰桂曰丹桂曰芍藥曰牡丹曰蘭曰蕙

曰菊曰水仙曰罌粟曰雞冠曰千葉蓮曰錦邊蓮曰玉美人曰

杜鵑曰碧桃曰山茶曰海桐曰繡毬曰茶蘼曰梔子曰榴曰茱

莉曰鳳仙曰玉簪曰剪春羅曰剪秋紗曰棠棣曰萱

藥之品曰桔梗曰蒼朮曰白朮曰茯苓曰枸杞曰遠志曰白頭

翁曰何首烏曰升麻曰防風曰細辛曰烏頭曰山慈姑一名金

月生葉如水仙而狹曰龍膽草曰杜蘅一名馬曰鬼督郵一名獨搖曰芎

藭即川芎也曰孩兒菊一名澤蘭曰香薷曰薄荷曰蘇曰艾曰青蒿

曰夏枯草曰菝葜曰木賊曰麥門冬曰天門冬曰決明日澤瀉

曰藍澱澱即散也曰蓼曰蓖麻曰半夏曰兔絲曰桔萆其根爲天花

粉曰葛根曰茜草曰絡石藤曰木蓮曰旱蓮草曰忍冬曰菖蒲

曰苦參曰香附曰茵陳曰車前曰百部曰商陸曰浣花曰南燭

曰蒼耳曰蒲公英曰鵝蹠草曰旋覆花曰天名精曰益母草曰

土貝母曰土牛膝曰尋骨風曰棋盤草曰紫花地丁曰禹餘糧

曰石腦曰金櫻子曰元胡索曰葳蕤曰黃柏曰土大黃

禽之屬曰鵝曰鴨曰雞曰烏曰鵲曰鴉曰雀曰鵠鵲曰鳩曰鷹

曰鵠曰魚虎曰鳬曰雉曰鴿曰鸛鵒

獸之屬曰牛曰羊曰豬曰犬曰驢曰騾曰貓曰兔曰獾

鱗介之屬曰魴曰鯉曰鯽曰鱸曰鱖曰鰱即鱖也曰鱖曰刀鱗曰

河豚曰鰻曰比目曰鰈曰鱒曰鰱其介屬曰螺曰蚌曰蜆曰龜

曰鼈曰蛤蜊曰蜆

蟲之屬曰蟬曰蜂曰蝶曰蟻曰蛇曰螢曰蟋蟀即促織曰蜻蜒曰

螳螂曰絡緯曰蜘蛛曰蠅曰蛙曰蚊曰蝎虎即守宮曰蚓曰蝸牛

曰蜈蚣曰蠍蠋曰蚱蜢

右通省所同者列敘於前其專產之物與雖同而其產尤佳者於各郡縣下條注之

安慶府

山葵葉翠如雲正二月開浥露抽苗香甘異常土人美其名曰珊瑚菜懷桐太三縣俱出

木耳一名蕨出太湖潛山石耳出天柱山中

地耳狀如木耳春生雨中味寒脆筍出太湖

冬筍出太湖茯苓出潛山

白朮宋史地理志安慶府貢白朮黃精可仙出潛山

丹砂出太湖司空石壁望若赤霞險峻取之甚難長春藤明統志太湖縣司空山出唐天寶中常採取之

青木香一株五根一莖五枝一核五葉葉開五節故又名五木香

石斛

出安郡志舒州

秋石

出桐城

紫草

出宿松

周花

藤生紫色形如豆其花可食

粟米

一名小粟各色皆有

蘭

一幹一花香極幽遠

蕙

一幹十餘花出龍眠天佳者更佳

錦雞

出潛山似雉而小文彩煥然

竹雞

出潛山望二邑其鳴音似泥滑木中蟻聞之化為水

鵪鶉

出太湖

鸕鶿

出潛山

鵲

懷甯望江時有至者而非常產

雉

虎

豺

狼

鹿

石猴

出望江

麋

狸

又果子狸

穿山甲

出宿松

獐

獾

狐

貉上安屬多山以

鰈即比目也味美與鰯並稱

鮓初夏時出漁人聽布殺鳴以為候

鰻最惜鱗甲纔一挂網即隨水而上

白小即銀魚杜詩所謂天然二寸魚是也

鱖魚

魚鮓俱出懷甯

蠟唐書地理志舒州同安郡貢蠟

蜜六邑皆有

茶皇宇記舒州土貢開火茶安慶府志六縣俱有茶以桐之龍山酒之閔山者為最

苦茶出皖山可消暑疾

棉花郡邑皆出

柏油郡邑皆出

漆出潛山

竹簞出潛山

龍鬚席龍鬚草出龍山

布出懷甯石牌鎮家機者細厚而幅闊

紵布唐書地理志舒州同安郡土貢紵布

葛布出桐城

土綢出桐城

漆碗

漆其取金黃外以黑漆酒器各種俱有出宮

鐵器漢書地理志皖有鐵官後漢書郡國志皖

魚米柴炭安屬魚米之鄉郡邑所產稱最

徽州府

穀新安宜種而不宜杭且多山少田米時取足於外方

桃花米寰宇記休甯縣多桃花米為飯香輒府志府

銀絲麵出祁門其細如銀縷絲故名

紫霞茶出歙縣紫霞山色香清幽如蘭

山藥歙休二邑皆佳

石耳山出黃

白石英新安所出細長白澈

葛蒲石生而細者良本草載所出之州七歙其一也大葉者為昌羊

重修安敦通志卷八十五 食貨志 物產

白朮

以其白勝於新

杉

出藝源

三友柏

一樹而扁

娑羅樹

在潛

黃山松

石上異於他松

春桂

出似桂而五

金縷梅

似縷梅而瓣如縷春

撚蠟

亦似縷梅一苞四五

海罽花

生雲海春日雨屋谷紅色深淺相錯至

旌節花

藤上作花行行垂如旌節色

瓔珞花

色黃碧幽情澹冶清

紫綺玉環

草花也頗

黃桃

與桃無異但

山櫻

木本竹葉初夏

紫雲花

花深紫日光下

石蘭

一莖一葉一花

木蓮花

在慈光寺前高柯成圍密葉蔽日冬不彫花肖白芙蓉

羅漢松

在吳

疊雪花

花似剪雪中含

玉鈴花

樹高大龍蔥夏月碧陰中白

香杜鵑

杜鵑處有之此則高幹濃香迥異凡種

覆杯花

似樓生葉底空中下垂

查菊花

本有芒刺四月開小黃花

仙都花

生仙都峯下古幹屈曲花一苞七八朵望之如芙蓉而特香綠心如拳三年一放放則葉下披如相讓然

傲雲花

亦似木蓮白夏徂秋香不斷葉

鵝羣花

藤屬葉似蔞蔞秋日著花宛然鵝也以上諸花多產黃山

方竹

堅實可為杖

佛面竹

亦可為杖

五穀樹

在顏公山歲以所實占豐歉

鹿銜草

益山中出發源

紙

唐宋時貢方輿勝覽出歙州績溪界龍鬚山有麥光白滑

硯

南唐時置歙硯務歐陽修硯譜歙州龍尾溪石第三洪遵歙

之北

葉九山阮在溪頭阮之西有眉子石冰絃阮在眉子阮外

臨溪

冬日水涸時適可取率多金花眉子石阮並列曰碧裏阮在

十里

石有青絲暈清源阮在婺源北凡三阮並列曰碧裏阮在

石青

細有青瑩及半里有水步石大雨點白暈次十里入裏山

金紋花暈

墨

南唐時李超子廷珪自易州南遷後主嘗用其墨廷珪父子以款地多松故爾此造墨至宋成以大龍鳳墨千斤充貢仁

宗宴廷珪臣於羣玉殿以李超墨賜之曰新安香墨其後賜翰林皆廷珪墨雙背龍樣品尤佳墨譜稱之上者括來輕喫來馨磨

來清今失其傳近代製墨者以程君房方於魯為上吳云歷次之今亦不可多得惟曹素功紫玉光為海內所尚自乾隆六年

內廷取墨工於款款令趙本以續漢人汪近聖應上方給物料令製十匣而款墨之名益著

蜜棗

出休歛

雪梨

六縣均產惟歛最佳

金豆

出發源

柿心

丁香棗

一種小柿謂之賴棗俗名牛乳柿小圓如指頭大者名丁香柿一名丁香棗

楊梅

一名枕子二月間開花結實子肉在核上無皮殼熟則白紅紫三色紅勝白紫勝紅鹽藏蜜漬酒浸皆佳種宜沙地

出夥

樞子

出夥

獼猴桃

一名陽桃形如雞卵而稍小皮褐色肉青子黑繁細如青箱子藤本附木而生九十月間熟味甘美出夥縣

漆器

休歛皆工

銅鎖

出夥

定時羅

一名日晷紋理工緻本質端好惟程宏宇汪永年二家製者四方未有倫比

羅盤欽邑稱最世宏宇注

螺甸器出休

竹器出休

銀

鉛

虎

豹

鹿

兔

麋

猴

玉面狸

山羊徽郡多山

青真狀類

綠螺出休

甯國府

茶宜涇甯太諸山皆產松蘿又太平龍門山產翠雲茶香米清芬又雅山茶采梅詢有茶煮雅山雪滿甌之句今不可多得

棗有回棗羊棗

栗郡邑山谷多栗熟

雪梨種類亦多而宜

花紅產甯國實

櫻桃

一名含桃
六邑皆產

桃

有六種五月桃六月桃
桃核同桃扁桃矮桃

白朮

產南太山
谷者佳

棉花

六邑
皆出

芝麻

有黑白二種即胡麻
也久服可以延年

飯瓜

嘉靖中仙養心宦嚴州移種給鄉人每本結
百枚入冬方萎味甘可以代飯今產南邑

蕨粉

苗可食根可為粉本草云根如紫草
作菜食之味甘南國多山蕨乃生焉

竹雞

宣南涇太
諸山皆出

雉

山羊

玉面狸

一名牛尾狸又名果子狸為
食中珍品明時嘗充歲貢

香狸

麂

鹿

兔

芋 一名蹲鴟在山曰
旱芋在水曰水芋

薑

南邑山鄉港口二十里內山
薑熟如穀熟財貨所資也

鬼箭羽

能除疫氣南
國山中為多

絲絲

苧麻

苧麻

苧麻

翡翠 大者曰山翠小者
曰水翠俱巢水際

猴

豪豬

竹

有十數種郡邑資以為利

木瓜

出宣城城能固氣調榮衛止霍亂轉筋宋楊萬里詩天下宣城花木瓜日華志露結成花何須候子孫成界句有瓊瑤

先報衙

鳳尾蕉

木本有合圍高數丈者

移種

幙魚

其小似琴魚而無龍鬚味亦佳

桐魚

桐花開時出故名

筆

宣州諸葛氏善製筆相傳有晉王羲之索筆帖

宣州石

出宣州其石質瑩白秀削可供几盤園亭佳玩四方珍之

銅蠟

虎

杉

產南太三邑為多

竹簞

出於德

蘭

產郡邑最幽遠

玉荷

花似千瓣梔子入夏始開花香過於茉莉可作食亦

四季桂

子狀如蓮實

琴魚

長不盈寸龍鬚果腹三月出餘日無出涇縣

綢

出邑土最佳

扇

出宣城

紙

郡邑皆出宣涇

紙

宣涇三邑尤擅名

蠟

鐵

漆

炭

石灰以上四者郡邑皆出

池州府

黃粒稻 出九華山舊傳金地藏自新羅攜種至

珍珠菜 產石康杉山暑元修菜 產貴池見

茶 有片茶仙芝嫩蕊 金地茶 出九華山亦金地

茗地源茶 出九華山之閔園陰谷中春夏之閒萌

仙人掌茶 李白有詩出九華山中 菽豆粉 出東流異於他邑者

菰 為本草乾薑以池州者 筍 池州產竹

竹 出九華山生 棉花 六邑

紙 唐朱池州貢紙石林燕語曰宋學士 製用白麻紙白麻者池州楮紙也

漆出建德

柏油郡邑皆產

扇出青陽制竹為骨以柿汁塗紙糊之

千秋松絕出九華山長二寸葉類柏生

五釵松出九華山每枝五花五仙人燭木名產九華山幹似梧

羅漢柜出九華山幹高一仙掌扇木名出九華山葉大如羽翼色青翠

木蓮花出九華山幹類梔子苞先於葉其花與蓮

玉女幢木名出九華山陰巖絕壁之上其

羅漢條產九華山木本如檜高數丈

菩薩線產九華山木本如檜但枝

鉢囊花木本高丈餘葉細而長色翠而

莎羅花木本出九華山其枝每生七葉九葉苞

蘭郡邑皆產蕙四月開始開花

珍珠蘭出貴池

淵明菊出東流晉陶淵明遺種

九節菖蒲出九華山中

龍鬚草出九華山為席甚佳

紫背天葵貴池之西崖所產尤多背府縣志作貝考岫嶼神書作紫背羣芳譜亦云天葵雷公所為紫背葵也如錢

而厚嫩背微紫

七葉一枝花出九華山

何首烏產九華山者良於他處

黃精產九華山絕壁為上品

苧麻

梭

錦駝鳥出貴池見李白秋浦歌

惜春鳥出九華山

念佛鳥出九華山狀如鳩黃褐翠羽作念佛聲

碧雞

雲韶部即音聲鳥出九華山其鳴聲互答如簫韶

蒼鹿九華山中天柱峯下時有見者

羚羊都邑山中皆有之

猿貴池青陽石埭建德山谷中皆有之

麥魚出東流麥熟時臥虎潭一帶俱出共形似麥上至石人山鰓則形漸大過此則化蜻蜒

香鯽

君魚皆產貴池

嘉魚

銅魚皆出九華山

綠魚

出石埠巨口細鱗暮春則見

木炭

郡邑皆產

太平府

黑小豆

出當塗可入藥有補益大豆則否

赤小豆

俗謂紅豆

蓴菜

生水如釵股味甘體軟和鯽魚作羹佳

苡絲菜

郡邑最多

菱菱

兩角為菱三四角為菱生熟皆可食

珊瑚菜

一名山花菜春月生采石山水邊其香清冽殊有別味

烏味草

宋范仲淹奉詔安撫江淮還以太平州貧民所食烏味草進呈今無

藕

甘嫩無渣滓者

芡實

一名水丹入藥與金櫻子稱水陸二仙膏

金櫻子

一名山石榴數生多莢花白類小薔薇子似榲桲而小色黃有刺收子熬膏治虛損最良

寒水石

出蕪湖荆山李時珍曰古方所用寒水石是凝水石唐宋諸方所用寒水石即今石羔

五茄皮

叢生山谷田野莖黃赤春生苗葉俱青高三四尺一苗五葉者佳每葉下生一刺開白花結實如豆根若荆根

皮黃輕脆芬香五月七月採莖十月採根
陰乾用味辛溫微苦寒無毒入藥功為多

穗子

實高葉大似栗結

菖蒲

根有一寸九節或十二三
節生石罅中名石菖蒲佳

松

白紵山有六朝松十餘株橫望山巖多怪松倒
懸石壁隱靜山有十里松徑乃杯渡禪老手種

駢竹

唐姑孰崔氏有駢竹之瑞觀察使崔準
奏建寺名瑞竹今報恩光孝寺是也

竹雞

出繁昌

子規

即杜鵑一名杜宇

鵲

兔

皆出

麀

穿山甲

出繁昌

鮓魚

出采石江中

鱖

出大江

碧霄魚

出繁昌隱靜山碧霄泉中

膏風

出繁昌可以炊飯
山煤之別種也

紙

出繁昌

鐵翦

竹器

其類不一
繁昌尤多

鋼窖

出荻港

凍綠布

出繁昌迎薰門外有泉曰烏泥井以
此水凍綠色倍鮮明他水不及也

銀硃

百益酒俱出蕪湖

廬州府

栗郡邑多產

梨

璚

杏

花紅

出合無肥舒城無為州

薏苡

出舒城

何首烏

出合無肥舒城無為州者住紅白二種

石斛

產合肥唐晉地理志廬州貢生石斛

五茄皮

無為州產者貝

鳧

即野鴨也出巢縣

雉

郡邑皆產

天鵝

鳩鵲

淘河

巢縣皆出

黃鵠

巢縣為多

竹雞

一名山菌子郡邑皆產

青鶴

出廬江

畫眉

出廬江

鴛鴦

出巢縣

鶴

郡邑時有至者

鹿

兔

麝

玉面狸

郡邑多山故
山獸為多

出合肥
者佳

虎

野豬

出郡邑
深山中

猴

獾

獾

狐

皆出
郡邑

鮒魚

出廬江
無為州

竹簞

出舒
城

葛

出合肥
機房在葛
壽寺左右故名

絹

出舒城
宋史地
理志廬州貢絹

絲布

出廬江
唐書地理
志廬州貢絲布

筍

郡邑皆出
舒城產者尤佳

薑

出舒
城

白蠟

郡邑
皆產

鮓

舒城無為
縣皆出

蜜

出舒
城

漆

出合肥
舒城
無為諸邑

礬

出廬
江

炭

柴

郡邑
皆出

鳳陽府

雲母石

出鳳陽雲母山方輿勝覽云彭祖取服之輕身延年貌澤不老

磬石

出靈璧磬石山可取綱磬以供郊廟朝廷之用

礬石

都梁香

黃芽菜

出鳳陽春初生味極甘滑

磨菇

亦以產鳳陽者為佳

黃雀菜

出鳳陽樹而花生者

羊脂菜

羊城湖出

苜蓿

郡邑皆產相傳種出大宛張騫帶入中國

山藥

出鳳陽者甘膩

百合

皆郡邑產

圈棗

出定遠

芹菜

長而無節

櫻桃

出鳳陽

棗

皆郡邑出

石榴

出懷遠結實豐美

輦棗

出懷遠臨淮鄉者佳

沙果

出懷遠者味勝林檎

白玉瓜

出定遠

蘋果

出宿州味清香

梨

郡邑皆佳以鳳屬近北地也

木瓜

出臨淮鄉者佳霜後取之香幽而耐久

絲棉木

出懷遠

棉花

花中如鴉毳抽其緒可織為布郡邑皆出

黃金嵌碧玉竹

碧玉嵌黃金竹

皆以產懷遠臨淮鄉者為佳

天竹

郡邑皆產叢生朱實相傳幹峭百者可禦火災

簕竹

出定遠

艾

郡邑皆產壽州者佳

千葉櫚

牡丹

芝麻

郡邑皆出

高粱

郡邑皆種與稻麥等

石斛

出壽州

葛根

出鳳陽

桔梗

遠志

俱出定遠

花椒

杏仁

郡邑皆產

老鶴草

郡邑皆出焚膏酒服大補天元出宿州者更良

石菖蒲

出定遠者佳

鶴

地僻山多時有見者

雉

鳧

麋

鹿

白魚

麻油

絲絹

穎州府

稷稻

倒鉤台

櫻桃

沙果

栗

柿

輭棗

兔

白蠟

乳餅

檀

芝麻

麥麴

桃

胡桃

葡萄

蘋婆果

出臨淮鄉

出臨淮鄉

出懷遠

出郟縣

出穎上

出他

出

出

出

出

皆出

為佳

皆產

者

味愈佳

味爽

號水

皆產

皆產

梨郡邑皆出毫產者實大味爽

芋土人多種之熟與穀等

文官果毫州太和城俱產

玉蘭木高丈餘花白色春時芬芳異常

芍藥重臺茂密芳香不散以毫產者甲於四方

牡丹紅白各種重臺爛漫如錦毫地所出尤馳名

芡實毫太蒙皆有益

地黃阜陽產者與根度相埒

酸棗仁郡邑通產

百合毫產者佳

虎皮鵲阜陽山出

錦雞郡邑多山谷故二者時有

磨菇毫產者最美好

山藥毫土產者堅膩味腴

瓜子毫產者子大

芙蓉

菊

桂有黃紅二種黃色者香烈

白扁豆郡邑通產服之補益

枸杞苗根果皆通產服郡邑通產

石斛毫產者良

花椒毫州太和蒙城皆產

鶴

野鴨阜陽為多

野雉郡邑通出

鴛鴦額上霍邱出

翡翠阜陽常有之

麝

鹿亳州蒙城太和多產

鹽亳州良

蟹

鰕阜陽多出

魚

香油郡邑皆產

白蠟

黃蠟二者亳大蒙多出

靛亳太蒙通產

棉花

枲麻二者亳產為多四方取給焉

絲郡邑皆出土人用織為絹

毫綢

紅花郡邑皆產

滁州

芝麻州邑皆出

貢麪勻細筋潤全椒出

菱州產者佳

芡實州邑通產

藕

州出佳

琵琶菜

齊安出

甜瓜

州邑通產有綠有黃有花斑香而小者佳真如金大如鴨子者名金瓜

山查

金來皆產

山藥

州邑通產

梨

祿全佳

櫻桃

州邑通產

花紅

涂地者最佳

牡丹

芍藥

二香州邑皆出

黃精

州邑山多故多出

蒼朮

州邑通出

紫蘇

州出

木瓜

金椒出者色香耐久

九節菖蒲

稀莨

二者州邑皆產

野鴨

麀

鹿

狼

兔

以上四者州邑多山故常有之

風鯽

舊出城濠河今不多見

苧麻

州邑皆出

綢

皆州出邑

長石

酒

法來特產以

炭

皆州出邑

絲

如蘇杭之出多

和州

芝麻

皆州出邑

五茄皮

為州產佳

黃精

一枝單長形似竹葉相對而生

半夏

州邑通產以上

元參

梨

皆州出邑

栗

皆州產

竹

蘭

州邑山谷中多有之香氣清遠

百合

州邑皆產花有紅白二種根如

牡丹

紅千葉重臺

木芙蓉

皆州出邑

紅花

多產

茶

早取曰茶晚取曰茗出蒼山者佳

天鵝

州產有至者

鹿

州產

鹿

州產

鮐魚

出大江州濱江故夏初多出焉

白魚

棉

州產

苧麻

州產

苧布

蓼花糖

州邑多用以芋和糖為之用相饒遺

煤炭

州邑皆產

燭

州出堅點細心

酒

出含山名含酒

廣德州

芽茶

出建平鴉山者色味香美

栗

州邑通產可以代糧

梨

州出

木耳

玉面狸

此山獸也州邑多出四方以為珍味

銀魚

出建平者細白鮮美

桐油

州產桐故多

漆

舊出建平今不多產

絲

今不產

白苧

州多

六安州

茶州及英霍二邑並產名茶而霍邑為多

椒粉州邑通產可備荒療飢

櫻櫚葉大如蕉青蒨可愛

椴州邑通產可供材用

解其皮可以造紙其材可為器用

實竹外強中堅與常竹異

柱即山木屏也種類亦多惟黃者金栗燦爛香氣襲人

蘭

櫻桃皆出州邑

棗

栗州邑所產二者尤多

胡桃六地土厚多山岡故山果惟宜

林檎州地產

柿

梨

紅花二者州邑皆出

木蜜六安山中為多

山藥六安出者細膩味美

九節菖蒲六安山中出

黃精六安山中多產

五茄皮六安山出者味厚

木瓜芳香兼有順氣之功

枸杞

生六安山中者久能變化為仙枸

薏苡仁

能補中州邑人多種之

黃芪

產六安山中者佳

山藥

味甘平補中

何首烏

有紅白二種亦曰雌雄二種生六安山中者久而大如栲栳者佳

鹿銜草

六安山中出其性助陽

石斛

霍山產者佳

天鵝

淘河

鷓鴣

錦雞

青鶴

賀雞

竹雞

黃鴨

翡翠

畫眉

雉

以上山禽十一種皆有文彩熊州邑間為羽屬之特異者州邑皆產有見者

虎

麋

鹿

玉面狸

兔

獸以上四者州邑山

山牛

不常見者六安山中時有之

豪猪

身有豪矢可以射其肉香異野豕

麝

鹿之別種香在臍下

狐

六安山中出

獐

猴

州邑山中常有之

獾

州邑皆有

蠶

絲之所出州邑皆有

山綢

州邑通產

竹簞

州邑通產

苧麻

土人多種之

紙

州邑造者多

桐油

酒

六安出

白蠟

州邑通產

黃蠟

六安英霍皆產

泗州

都梁香

即澤蘭草出盱眙都梁山故名古詩博山鑪中百合香鬱金蘇合與都梁

何首烏

出五河

遠志

他處皆有方書以泗州產者為最

藜莢草

泗州徧地皆出以療疾功多人爭重之

青木香

產五河者良

半邊蓮

盱眙出者良

銀精石

盱眙產

梨

五河者佳

芍藥

牡丹

俱產五河

青芹

出天長他處所產皆中虛長邑產者中堅實而有味

鶴

州邑多山澤時有至者

雉

皆出

野鳧

泗州天長為多

鵲

兔

五河為多

麝

魚

其類甚多與他處同然惟泗稱蕃庶五方商賈聚之以買利咸以為淮魚味美入爭嗜之秋冬之間諸客畢集於州中

鼈

銀魚

鰕米

二者盱眙五河皆出

絹

布

棉

銀布

乳餅

乳酥俱出天長盱眙

甘露餅出天長之龍岡鎮

重修安徽通志卷八十六

學校志

郡縣之學古黨庠術序之遺規也在三代時與國學並重漢唐而後或稍稍替焉然欲飭俊秀登賢能使天下道一而風同則必自郡縣之學始矣

國朝尊

師重道度越百王其議增從祀賢儒屢經

列聖表章尤足感人心而厲風俗加以

諭文稠疊訓飭多士如典如謨匪特格外

恩施增廣學額已也安徽爲宋儒朱子之鄉士生其間者宜何如砥礪

濯磨以勉副棫樸菁莪之選也哉述學校志

學制

附學額

夏曰校殷曰序周曰庠

孟子

古之教者家有塾黨有庠術有序

學記

命鄉論秀士升之司徒曰選士司徒論選士之秀者而升之學曰俊士升於司徒者不征於鄉升於學者不征於司徒曰造士

王制

漢武帝始興太學元朔五年置博士弟子員前此博士雖各以經授徒而無考察試用之法至是官始爲置弟子員

文獻通考

昭帝舉賢良太學博士弟子員滿百人宣帝末增倍之

文獻通考

元帝好儒能通一經者皆復數年以用度不足更爲設員千人

郡國置五經百石卒史

文獻通考

成帝末增弟子員三千人歲餘復如故

文獻通考

平帝元始三年立學宮郡國曰學縣道邑侯國曰校置經師一

人漢書平
帝紀

後漢光武帝建武六年遷丹陽太守忠以丹陽俗不好學乃爲起學校習禮容春秋鄉飲選用明經郡中向慕之

後漢書
李忠傳

質帝本初元年令郡國學明經年五十以上七十以下詣太學

歲滿課試

後漢書
質帝紀

晉成帝咸康三年祭酒袁瓌太常馮懷請興學校帝從之

文獻
通考

孝武帝太元九年尙書謝石請頒下州郡普修學校帝納其言

文獻
通考

唐制京都學生八十人大都督中都督府上州各六十人下都

督府中州各五十人下州四十人京縣五十人上縣四十人中

縣中下縣各三十五人下縣二十人州縣學生州縣長官補長

史主焉每歲仲冬州縣館監舉其成者送之尙書省

文獻
通考

高祖卽位詔諸州縣鄉並置學唐書選舉志

元宗開元七年敕州縣學生年二十五以下八品子若庶人二

十一以下通一經及未通經而聰悟有文辭史學者入四門學

爲俊士卽諸州貢舉省試不第願入學者聽唐書選舉志舊志

龍七年

二十六年敕天下州縣里各置學仍擇師資令其教授文獻通考

天寶十二載敕天下罷鄉貢舉人不由國子及郡縣學者勿舉

送唐書選舉志

宋眞宗咸平四年詔州縣學並賜九經宋史眞宗紀

仁宗慶曆四年詔天下州縣立學宋史仁宗紀

五年詔州縣學毋許容非本土人宋史選舉志

神宗熙甯四年詔給諸路學田增教官員宋史神宗紀選舉志率給田十頃

元豐元年詔諸路府州學官五十三員揚州亳州各一員

宋史

崇甯中詔縣學生三不赴歲升試及三赴歲升試不能升州學

者皆除籍

宋史選舉志

元世祖至元二十三年設江南各道儒學提舉司詔江南學校舊有學田復給之以養士

元史

二十五年尙書省臣奏令江南郡縣學田所入羨餘貯集賢院以給多材藝者從之

元史

二十八年令江南諸路學官各縣學設立小學選老成之士教之

元史

二十九年詔江南州縣學田其歲入聽其自掌春秋釋奠外以

廩給師生及士之無告者

元史

明洪武二年詔府州縣皆立學府學四十人州學三十人縣學

二十人日給廩膳仍免其家差役一丁

明史選舉志

三年詔學田所入皆入官以給師生廩餼

明史選舉志

英宗正統元年始設提督學校官南直隸以御史爲之

明會典

神宗萬曆六年令南直隸廬鳳淮陽四府滁和徐三州提學以

江北巡按兼之十二年令南直隸提學御史仍兼管江北

明會典

國朝順治二年上下江督學御史分差二員

四年定各省儒學視人文多寡分大中小學取進文童大學四

十名中學二十五名小學十二名武童歲科並試額取府學二

十名大學十五名中學十二名小學八名又定直省各學廩

膳生員府學四十名州學三十名縣學二十名衛學十名增廣

生員名數同

九年

命禮部頒臥碑於天下學宮碑曰朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以備朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國害民之事更宜畱心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知

之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

又頒

欽定六諭文

孝順父母

恭敬長上

和睦鄉里

教訓子孫 各安生理 無作非爲

嗣經議准設立鄉約申明六諭原以開導愚氓從前屢行申飭恐有司視爲故事應嚴行各直省地方牧民之官與父老子弟實行講究其六諭原文本明白易曉仍據舊本講解其鄉約正副不應以土豪僕隸奸胥蠹役充數應會合鄉人公舉六十以上業經告給衣頂行履無過德業素著之生員統攝若無生員卽以素有德望六七十歲以上之平民統攝每遇朔望申明六諭並旌別善惡實行登記簿冊使之共相鼓舞

是年并上下江督學御史一人兼之

十年特設督學二員分考上下江

十二年

上諭直省學臣訓督士子凡理學道德經濟典故諸書務要講求淹貫

博古通今

謹增至文恭錄
皇言紀

十五年題准直省取進童生府學二十名大學十五名中學十二名小學八名

康熙元年又并上下江督學御史一人兼之

九年題准各直省取進童生大府州縣仍舊中學十二名小學或八名或七名

二十三年頒

御製學校論曰治天下者莫亟於正人心厚風俗其道在尙教化以先之學校者教化所從出將以納民於軌物者也是以古者家有塾黨有庠術有序國有學人生八歲自王公以下至於庶人之子弟皆入小學及其十有五年則自元子眾子以至公卿大夫元士之適子與凡民之俊秀皆入大學蓋自家至於國莫不有學自天子至於庶人

莫不學自幼至於長莫不皆學凡學有詩書禮樂以爲之本干戈羽
箭以爲之文父子君臣長幼之道於是焉觀之六德六行之教於是
焉取之所以淑其耳目手足之舉措而養其心以復其性以爲修己
治人之大者可謂備至矣是以當時之君子履信思順以事其上小
人亦皆樂循禮而恥犯法侯撻不事而至治以興後世學校寢廣博
士之途寢繁所以立教之方失先王之遺意士之遊其中者直以爲
利祿之階欲期道德之一詎不難哉且夫今之所謂教者誦讀焉而
已爾而又弗實致其力以防其放僻邪侈之心使氣之充而誠之明
以漸求復其性其何以爲修己治人之道哉故曰教隆於上化成於
下教不明於上而欲化成於下猶卻行而求前也教化者爲治之本
學校者教化之原欲敦睦教化而興起學校者其道安在在務其本
而不求其末尙其實而不務其華以內行爲先不汲汲於聲譽以經

術爲要不屑屑於文辭如是則於聖人化民成俗之道庶乎其有當也夫

二十四年頒

上諭十六條於學宮一曰敦孝弟以重人倫二曰篤宗族以昭雍睦三曰和鄉黨以息爭訟四曰重農桑以足衣食五曰尚節儉以惜財用六曰隆學校以端士習七曰黜異端以崇正學八曰講法律以警愚頑九曰明禮讓以厚風俗十曰務本業以定民志十一曰訓子孫以禁非爲十二曰息誣告以全善良十三曰誠匿逃以免株連十四曰完錢糧以省催科十五曰聯保甲以弭盜賊十六曰解讐忿以重身命

三十八年

上諭江南浙江人文稱盛入學名數前已加增今著於府學大學中學

小學各增取五名舉行一次以示獎勵

四十一年頒

御製訓飭士子文曰國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化懦盈之氣文章歸於醇雅毋事浮華軌度式於規繩最防蕩佚子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制

官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫視扑濫竊章縫返之於衷寧無媿乎況乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取鬻凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務其體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志豈俟他求哉若仍視爲具文玩愒弗儆毀方躍冶暴棄自甘則是爾等冥頑無知終不能率教也旣負栽培復干咎戾王章

具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者竝宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

四十三年

御製平定朔漠告成太學碑

恭建碑亭在學

四十五年

上諭朕製古文淵鑑資治通鑑綱目等書皆已刷印頒賜大臣此等書籍特爲士子學習有益而製可速頒行直省凡坊間書賈有情願刊刻售賣者聽其傳布

五十一年

上諭朕自沖齡卽好讀書亦好寫字一切經史靡不徧閱成誦在昔賢哲所著之書閒或字句與中正之理稍有未符或稍有瑕疵者後儒

卽加指摘以爲理宜更正惟宋之朱子註明經史闡發載籍之理凡所撰釋之文皆明確有據而得中正之理今五百餘年其一字一句莫有論其可更正者觀此則孔孟之後可謂有益於斯文厥功偉矣朕旣知之而不言其誰言之於朱子宜何如表章崇奉爾等與九卿會同具議以聞

九卿等會議升耐朱子於十哲之次

五十二年

御纂朱子全書成頒發兩京及直省刊版通行

五十四年

御纂周易折衷成頒發中外聽其重刻以廣誦習

五十七年議准甯國府南陵縣改爲大學取進童生二十名

六十年議准銅陵縣改爲中學

六十一年

恩詔廣直省學額大學加取七名中學加取五名小學加取三名

雍正元年奏准

聖祖仁皇帝欽定孝經衍義一書頒發直省刊板通行

上諭內閣禮部

至聖先師孔子道冠古今德參天地樹百王之模範立萬世之宗師其爲功於天下者至矣而水源木本積厚流光有開必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁公於宋真宗時追封啟聖自宋以後歷代遵循而叔梁公以上則向來未加封號亦未奉祀祠庭朕仰體

皇考崇儒重道之盛心修崇德報功之典禮意欲追封五代竝享蒸嘗

用伸景仰之誠庶慰羹牆之慕內閣禮部可會同確議具奏

謹增

上諭五倫爲百行之本天地君親師人所宜重而天地君親之義又賴師教以彰明自古師道無過於孔子誠首出之至聖也我

皇考崇儒重道超軼千古凡尊崇孔子典禮無不備至朕蒙

皇考教育自幼讀書心切景仰欲再加尊崇更無可增之處故敕部追封孔子以上五代今部議封公上考前代帝王皆有推崇之典唐明皇封孔子爲文宣王宋眞宗加封至聖文宣王聖父叔梁紇爲齊國公元加封孔子爲大成至聖文宣王加封齊國公爲啟聖王明嘉靖時猶以王係臣爵改稱爲至聖先師孔子改啟聖王爲啟聖公王公雖俱屬尊稱朕意以爲王爵較尊孔子五代應否封王之處著同諸大臣具奏

謹

二年

上諭禮部等衙門帝王臨雍大典所以尊師重道爲教化之本朕覽史

冊所載多稱幸學而近日奏章儀注相沿未改此臣下尊君之詞朕心有所未安今釋奠伊邇朕將親詣行禮以後一應奏章記注稱幸非宜應改爲詣字特諭謹增

上諭禮部等衙門及國學諸生治天下之要以崇師重道廣勵學宮爲先務朕親詣太學釋奠先師禮畢進諸生彝倫堂講經論學凡以明道術崇化源非徒飾園橋之觀聽也維孔子道高德厚萬世奉爲師表其附翼廟庭諸賢皆有羽翼聖賢扶持名教之功然歷朝進退不一而賢儒代不乏人或有先罷而今宜復有舊缺而今宜增其從祀崇聖祠者周程朱蔡外或有可升附並先賢先儒之後孰當增置五經博士以昭崇報均關大典九卿翰林國子監詹事科道會同詳考定議以聞再邇年文教廣被由我

聖祖仁皇帝壽考作人六十年來山陬海澨莫不家絃戶誦直省應試

童子人多額少有垂老不獲一衿者其令督撫會同學臣查明實在人文最盛之州縣題請小學改爲中學中學改爲大學大學照府學額取錄督撫等務宜秉公詳查不得徇私冒濫至鄉試解額

聖祖仁皇帝屢次增廣乙酉戊子等科復於額外加中五經三名至五十六年而罷以久而滋弊也嗣後各學臣及祭酒司業於錄科時先加面試實在貫通五經生監仍聽以五經應試主考閱文果佳本監取中四名直隸各省大小不一某省應取中幾名著分別詳議定數具奏如無佳文寧缺無濫會試臨時請旨本監本科鄉試中式著加增十八名朕臨雍講學雖率由舊章然必期於世道文教有益不蹈一切虛文諸臣其各欽遵特諭

是年議准安徽所屬之廣德州懷甯桐城宣城涇陽鳳陽五縣照府學額各取進童生二十五名無爲六安泗宿亳五州潛山太

湖宿松黟甯國旌德太平貴池青陽建德當塗蕪湖合肥含山
建平十五縣改爲大學各二十名望江東流繁昌廬江舒城臨
淮今改懷遠定遠蒙城九縣改爲中學各十六名

三年

上諭古有諱名之禮所以昭誠敬致尊崇也朕臨御以來恐臣民過於
拘謹屢降諭旨凡與御諱聲音相同字樣不必迴避近見各省地名
以音同而改易者頗多朕爲天下主而四海臣民竭誠盡敬如此況
孔子德高千古道冠百王以正彝倫以端風化爲往聖繼絕學爲萬
世開太平自天子以至於庶人皆受師資之益而直省郡邑之名如
商丘章丘等今古相沿未改朕心深爲不安爾等會議凡直省地名
有同聖諱者或改讀某音或另易他字至於常用之際於此字作何
迴避一竝詳議具奏

謹地

是年議准士子誦習必早聞正論俾德性堅定將

聖諭廣訓

御製朋黨論頒發各省學政刊刻刷印齎送各學令司鐸之員朔望宣

誦

是年頒

御製瑞穀圖於學宮

四年

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不

淳世道何患不復古耶朕觀今日之士雖不乏閉戶勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而竝且輕視聖賢之書矣士習不端民風何由而正其開關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪

乎士習之不端而風俗之未淳也朕孜孜圖治欲四海之大萬民之眾皆向風而慕義革薄而從忠故特簡督學之臣慎重教官之職欲使自上而下端本澄源以收實效也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官者訓誨士子悉秉誠心如父兄之督課子弟至於分別優劣則至公至當不涉偏私如此名盡其道則士子人人崇尚品詣砥礪廉隅且不但自淑其身而羣黎百姓日聞善言日觀善行以生其感發之念風俗之不變庶幾其可望也特諭謹增

九年奏准

聖祖仁皇帝御纂性理精義書詩春秋三經傳說彙纂每省每書各發二部一部令其重刊流布一部以備校對

十三年議准壽州分設鳳臺縣查鳳臺赴考生童不及壽州十

分之六入學額數應四六分取補廩出貢亦當區別應將壽川
原額取進文童二十名酌分八名武童十五名酌分六名撥鳳
臺縣學州學原試廩增各三十名酌分十二名入縣學州學准
其二年一貢縣學准其三年一貢至現在文武生員亦應四六
分隸

又定廬州鳳陽二府分設直隸六安泗亳潁四州酌減廬州府
學文童三名武童二名撥歸六安州酌減鳳陽府學額五名以
二歸泗二歸潁一歸亳令該學政按試時於該州及所屬縣內
憑文取撥

是年

恩詔廣各省學額大學加七名中學加五名小學加三名

乾隆元年奉

重修安徽通志

卷八十六

學校志

學制

三

上諭從來經學盛則人才多人才多則俗化茂稽諸史冊成效昭然我皇祖聖祖仁皇帝御纂周易折中尚書春秋詩三經彙纂諸書直省雖已鐫版但士子赴司具呈俟批已不免守候又一人所請止於一部勢難鳩工刷印是以得書者寥寥直省撫藩招募坊賈自備紙墨刷印通行售賣嚴禁胥吏阻抑需索但使坊賈皆樂於刷印則士子自易於購買庶幾家傳戶誦足以大廣厥傳

又議

聖祖仁皇帝律書淵源應頒發直省書院及所屬各學以爲士子觀覽學習之用竝招募坊賈人等刷印鬻賣有情願刊刻者聽又議准各督撫於省會書院竝有尊經閣之府州縣應將十三經二十一史諸書購買頒發交與各該學教官接管收貯令士子熟習講貫其動用存公銀兩仍報部查覈

二年奏准

聖祖仁皇帝御纂日講四書解義每省各頒一部令該布政司刊刻招諭坊賈人等刷印鬻售廣爲流布

三年奉

上諭從前頒發

聖祖仁皇帝御纂經史諸書交直省布政使敬謹刊刻准人刷印竝聽坊間刷賣原欲士子人人誦習以廣教澤近聞書版收藏藩庫士子及坊間刷印者甚少著各省撫藩將書版重加修整俾士民易於刷印閒有情願翻刻者聽其自便無庸禁止如

御纂諸書內有爲士子所宜誦習而未經頒發者著該督撫奏請頒發刊版流布至武英殿翰林院國子監皆有存貯書版亦應聽人刷印從前內務府所載各書如滿漢官員有願購覓誦覽者概准刷印其

如何辦理之處著禮部會同各該處定議

又奉

上諭士子書藝之外當令究心經學以爲明道經世之本我

皇祖御纂經書多種紹前聖之心法集先儒之大成已命各省布政使敬謹刊刻聽人刷印亦准坊間翻刻廣行恐地方大吏不能盡心經理則士子購覓仍屬艱難著督撫藩司等善爲籌畫將士子應讀之書多行印法以爲國家造士育材之助

是年議准升潁州爲府又新設阜陽一縣潁州府學取進童生二十名於所屬州縣內取撥新設附府之阜陽縣應於原設州學二十名額內減去五名取進童生十五名潁州府學設廩增各四十名阜陽縣學設廩增各二十名以原設州學廩增各三十名內酌留二十名於阜陽縣學所餘十名撥入潁州府學其

府學不敷之廩額將鳳陽府撥歸潁州並各縣學之廩生十四名撥入府學新設四十名額內其餘缺額一十六名應照例於潁州府學考取優等生員內挨次幫補增生額亦照此取足俟廩額補足時先將鳳陽縣撥歸之廩生較其食餼先後照例一年一貢其餘年分淺者亦准其陸續挨貢阜陽縣學照例二年一貢再潁州既經升府設學亳州又改歸潁州府管轄其從前鳳陽府撥入潁州學二名亳州學一名仍應撥還鳳陽府學

五年

欽頒太學訓飭士子文曰士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士

使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡所以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闢然自修世俗之紛華靡麗無足動念何患詞章聲譽之能奪志哉況

卽爲科舉亦無礙於聖賢之學朱子云非是科舉累人人累科舉若
高見遠識之士讀聖賢之書據吾所見爲文以應之得失置之度外
雖日日應舉亦不累也居今之世雖孔子復生也不免應舉然豈能
累孔子也朱子此言卽是科舉中爲己之學誠能爲己則四書五經
皆聖賢之精蘊體而行之爲聖賢而有餘不能爲己則雖舉經義治
事而督課之亦糟粕陳言無裨實用浮僞與時文等耳故學者莫先
於辨志志於爲己者聖賢之徒也志於科名者世俗之陋也國家養
育人才將用以致君澤民治國平天下而囿於積習不能奮然求至
於聖賢豈不謬哉朕膺君師之任有厚望於諸生適讀朱子書見其
言切中士習流弊故親切爲諸生言之俾司教者知所以教而學者
知所以學

九年奏准從前

御纂諸書雖經頒發然士子眾多恐不足以資鈔誦令各省督撫藩司多行刷印每學每種給發二部以備士子鈔誦其

御纂三禮告成後再行頒給仍交與該教官接遞收管毋得損失

又議准三通諸書令各督撫轉飭布政使及專司書院之道員於公項內酌量置辦以資諸生誦讀

十五年議准

御纂三禮甫經告成應俟刊刻成書奉

旨頒發時令各省布政使照

御纂折中傳說諸書之例敬謹刊刻准人刷印竝聽坊間翻刻以廣誦習

十六年

上諭朕問俗觀風南巡江浙清蹕所至廣沛恩膏更念三吳兩浙爲人

文所萃

皇祖聖祖仁皇帝屢經巡幸嘉惠膠庠試額頻加覃敷教澤朕法

祖省方鑾輿斯蒞式循

懋典用示渥恩所有江蘇安徽浙江三省本年歲試文章府學及州縣大學著增取五名中學四名小學三名舉行一次該部傳諭各該學政慎加蒐擇拔取真材副朕育才造士至意

十九年議准臨淮縣旣議裁併鳳陽其學額十六名應援照江蘇海門縣裁歸通州縣學改爲海門鄉學之例將原隸臨邑住址生童另編臨淮鄉字樣考試其入學額數及廩增出貢悉仍舊注明學冊報部查覈

二十二年

上諭朕敬承

祖德問俗觀風嘉惠黎元培植士類今者乘春布令載莅東南濟濟青衿來迎道左因念三吳兩浙民多俊秀加以百年教澤比戶書聲應試之人日多而入學則有定數甚有皓首而困於童子試者其無遺珠之惜耶宜循舊典再沛渥恩將江蘇安徽浙江三省本年應試文童照乾隆十六年例府學及州縣大學增取五名中學增取四名小學增取三名各該學政其慎加甄錄稱朕樂育人才之至意焉

二十七年

上諭三吳兩浙文風素盛前此清蹕時巡嘉惠膠庠頓增試額茲朕敬奉

皇太后安輿載莅南服仰惟

慈慶之縣臻益廣作人之雅化宜循舊典以示渥恩其將江蘇安徽浙江三省本年應試文童府學及州縣大學增取五名中學增取四名

小學增取三名各該學政務宜詳加校閱遴拔眞才稱朕樂育甄陶之意

二十九年奉

上諭前輯周易述義詩義折中春秋直解告成於從來傳注離合異同之處參稽是正允宜津逮士林而校刊訖工未經頒發著將此三書每省各頒一部依式鐫版流傳俾直省士子咸資誦習其原本卽度藏學宮以示嘉惠廣勵至意

三十年頒發

御製詩初集二集

御製文初集各一部交直省布政使照

頒發經書之例一體刊行

又奉

上諭向來選拔貢生定例惟府學准選二名州學縣學均係額取一名其江蘇安徽二省有分設各縣仍統於新舊兩學中彙拔貢入成均肄業茲當翠華臨幸正值選拔之年因念分設各邑版籍既繁膠庠亦盛僅令兩學拔取一名懷才者或不免拘於常格無以昭鼓勵而廣甄陶著加恩將江蘇安徽二省所有分設各縣准於本年選拔時每學各取一人俾得均沾惠澤該學政其悉心秉公遴選務取文行兼優之士用副朕廣勵學宮至意

又

上諭三吳兩浙文風素盛昨於啟鑒之先已特降恩諭將江南各設分縣准於本年選拔時每學各取一人以廣教澤茲當翠華莅止因念成均既多予拔尤而費序亦宜增試額用循舊典以示渥恩其將江蘇安徽浙江三省本年應試文童府學及州縣大學增取五名中學

增取四名小學增取三名該學政務宜慎加遴選詳悉校閱副朕樂育作人至意

四十二年議准查泗州歲科兩考額進文童二十名設廩增各三十名虹縣歲科兩考額進文童十二名設廩增各二十名虹縣雖議裁併泗州讀書士子依然如舊應如所請照從前臨淮歸併鳳陽之例將入學及廩增考貢名數各照舊存畱其考試時於泗州考案內另編鄉學字樣照額分進考補注明學冊報部察覈

四十五年

上諭三吳兩浙文風素盛前此清蹕時巡嘉惠膠庠特增試額茲當翠華臨蒞宜循舊典以示渥恩著將江蘇安徽浙江三省本年應試文童府學及州縣大學增取五名中學增取四名小學增取三名各該

學政務宜詳悉校閱遴拔真才副朕樂育甄陶至意

四十九年

上諭江浙兩省文風素盛前此翠華臨幸曾降旨增廣試額茲舉六巡慶典允宜特沛恩施所有江蘇安徽浙江三省本年應試文童府學及州縣大學著增取五名中學增取四名小學增取三名各該學政務宜遴拔真才副朕嘉惠膠庠樂育甄陶之至意

六十年

上諭本年爲朕臨御六十年於二月上丁親詣

文廟釋奠禮成竝閱視辟雍新刊石經瞻仰

宮牆彌深景慕自惟沖齡肄學服膺

聖教迄今八袞開五猶日孜孜誨學無倦舉凡行政念典悉皆得自心傳今晨臨雍展敬祇肅躬親風日暄和典禮咸備景仰之誠

先師靈爽式憑自必默垂鑒佑當茲邇運增隆慶臻耆壽莫非仰邀錫貺允宜施恩贊序嘉惠士林以光盛典所有各直省歲試入學名數著交該部查照向例分別廣額其太學肄業諸生竝著加恩免其坐監一月用示重道崇儒壽世作人至意

禮部遵

旨查明乾隆十六年以後恭遇

巡幸增廣學額均係大學加取五名中學加取四名小學加取三名

嘉慶元年

恩詔廣各省學額大學加七名中學加五名小學加三名又禮部劄行各省學政本年歲試已於六十年二月奉

旨廣額今

恩詔內加增學額應於科試時辦理

四年

高宗純皇帝升配禮成

恩詔廣各省學額大學七名中學五名小學三名舉行一次不著爲例
二十五年八月二十七日

恩詔廣各省學額大學七名中學五名小學三名

道光元年

恩詔廣各省學額大學七名中學五名小學三名

咸豐三年

恩詔廣各省學額大學七名中學五名小學三名又以地方捐輸團練
等項由督撫學臣奏請

詔廣學額歙縣九名休甯十名婺源一名黟縣六名績溪二名涇縣一
名旌德太平石埭各二名

四年奏請

詔廣學額歛縣九名休甯十名

六年奏請

詔廣學額歛縣休甯各九名

七年奏請

詔廣歛縣學額九名

九年奏請

詔廣歛縣學額八名

十年奏請

詔廣黟縣學額五名

同治元年

恩詔廣各省學額大學七名中學五名小學三名又以地方捐輸團練

等項由督撫學臣奏請

詔廣學額歙縣休甯各八名婺源四名祁門五名黟縣七名績溪三名南陵二名涇縣旌德太平各三名貴池二名青陽一名建德三名

四年奏請

詔廣學額桐城三名潛山四名太湖宿松各一名望江二名歙縣二十三名休甯九名婺源祁門各五名黟縣七名宣城二名涇縣太平各三名貴池四名青陽一名東流二名合肥十一名舒城廬江各三名無爲一名巢縣鳳陽各二名臨淮鄉四名懷遠二名定遠三名壽州四名鳳臺宿州各一名靈璧二名阜陽六名穎上三名霍邱四名太和滁州全椒各二名來安四名和州二名含山三名廣德建平各一名英山二名霍山一名虹鄉四名旌

貽二名天長一名

五年奏請

詔廣學額懷甯三名潛山十名太湖望江各三名歙縣休甯各七名婺源十三名祁門一名黟縣六名績溪一名涇縣三名旌德太平各二名貴池三名蕪湖一名廬州府學四名合肥五名舒城二名廬江一名鳳陽懷遠各二名定遠一名宿州三名阜陽滁州含山各一名六安十二名霍山泗州各一名盱眙十一名天長一名

七年奏請

詔廣學額桐城潛山太湖歙縣休甯黟縣各七名銅陵一名無爲阜陽六安各七名

八年奏請

詔廣學額桐城潛山太湖歙縣休甯各七名黟縣六名合肥二名無爲六名阜陽六安霍山各七名

十年奏請

詔廣學額桐城潛山太湖歙縣休甯各七名黟縣六名涇縣二名合肥三名壽州阜陽各七名亳州一名六安七名

十一年奏請

詔廣學額合肥臨淮鄉各二名六安七名

以上文學

自咸豐六年至同治十年節次

詔廣武學額其三百七十二名

府州縣文武學定額

文學

安慶府學額進二十五名

係原額

廩生增生各四十名一年一貢

懷甯縣學三十四名原額二十五名同治四年廩生增生各

二十名二年一貢原增額貢期桐城縣學三十五名原額二十五名

同治四年加額五名五年同治四年加額五名五年潛山縣學三十名原額二十名咸豐七年加額三

名同治五年加額七名太湖縣學三十名原額二十名咸豐七年加額三

年加額一名七年加額六名宿松縣學二十七名原額二十名咸豐七年加額七名

江縣學二十名原額十六名同治四年加額二名

徽州府學額進三十五名原額二十五名咸豐九年加額十名廩生增生各四十

名一年一貢歙縣學三十二名原額二十名咸豐九年加額十名廩

生增生各二十名二年一貢原增額貢期休甯縣學三十三

名原額二十名咸豐七年加額十名婺源縣學三十名原額二十名咸豐九年加

額五名同治元年加額五名祁門縣學二十八名原額十六名咸豐九年加額三

名同治元年加額七名黟縣學三十二名原額二十名咸豐六年加額十名

績溪縣學二十四名原額十六名咸豐九年加額五名同治元年加額三名

甯國府學額進二十五名係原額廩生增生各四十名一年一貢

宣城縣學二十八名原額二十名咸豐十年加額三名廩生增生各二十名

二年一貢原增額貢期以下各縣同涇縣學三十五名原額二十名咸豐六年加額三名

同治四年加額一名五年南陵縣學二十五名原額二十名咸豐十年加額三名

加額二名八年加額四名甯國縣學二十名係原額旌德縣學二十二名

年加額二名太平縣學三十一名原額二十名咸豐六年加額一名五年加額一名

名原額二十名同治四年加額一名同治

年加額二名九年加額五名同治元年加額三名五年加額一名

池州府學額進二十五名係原額廩生增生各四十名一年一貢

貴池縣學二十名係原額廩生增生各二十名二年一貢原增額貢

期以下各縣同 青陽縣學二十四名原額二十名咸豐九年加額二名同治元年加額二名

銅陵縣學十九名原額十六名同治七年加額三名石埭縣學十八名原額十六名

名咸豐九年加額一名 建德縣學二十二名原額二十名同治元年加額一名

東流縣十六名係原額

太平府學額進二十五名係原額廩生增生各四十名一年一貢

當塗縣學二十名係原額廩生增生各二十名二年一貢廩增額貢

期以下各縣同蕪湖縣學二十名係原額繁昌縣學十六名係原額

廬州府學額進二十二名係原額廩生增生各四十名一年一貢

合肥縣學三十三名原額二十名咸豐六年加額三名同治四年加額十名廩生增生

各二十名二年一貢廩增額貢期以下各縣同廬江縣學二十八名原額十六名咸豐六年加額三名同治四年加額八名

舒城縣學二十一名原額十六名咸豐六年加額五名無為州學三十名原額二十名咸豐六年加額三名同治四年加額一名

廩生增生各三十名三年兩貢 巢縣學十九名

原額四名加額四名

原額十六名同治四年加額三名

鳳陽府學額進二十三名原額廩生增生各四十名一年一貢

鳳陽縣學三十六名原額同治四年加額一名入年加額二名廩

生增生各二十名二年一貢靈璧各縣及臨淮鄉學並同臨

淮鄉學十八名原額十年加額二名咸豐

名咸豐十年加額二名同治四

年加額三名五年加額一名

四名壽州學二十二名原額四名十年加額六名廩生增

生各十八名二年一貢鳳臺縣學九名原額四年加額一名同治廩生

增生各十二名三年一貢宿州學十八名原額四年撥二名同治

學陽縣廩生增生各二十六名原額三十名同治三年三年兩貢

靈璧縣學十二名係原額廩生增生各四十名一年一貢

潁州府學額進二十名係原額廩生增生各四十名一年一貢

阜陽縣學二十四名原額十五年同治三年撥一名入渦陽廩

生增生各十九名

原額二十名同治三年各撥一名入渦陽縣學

二年一貢

穎上縣

學十五名

原額十二名咸豐七年加額三名

廩生增生各二十名二年一貢

霍邱縣學十五名

原額十二名咸豐九年加額一名同治四年加額二名

廩生增生各二

十名二年一貢

亳州學十八名

原額二十名同治三年撥四名入渦陽縣學十年加額二

名廩生增生各二十四名

原額各三十名同治三年各撥六名入渦陽縣學

三年兩貢

渦陽縣學十名廩生增生各十四名二年一貢

同治三年新設

太

和縣學十六名

原額十二名同治四年加額四名

廩生增生各二十名二年一

貢 蒙城縣學十三名

原額十六名同治三年撥三名入渦陽縣學

廩生增生各十

七名

原額各二十名同治三年各撥三名入渦陽縣學

二年一貢

滁州學額進二十二名

原額二十名咸豐九年加額一名同治四年加額一名

廩生增生

各三十名三年兩貢

全椒縣學二十二名

原額二十名同治四年加額二名

廩生增生各二十名二年一貢

來安縣學十三名

原額十二名咸豐九

年加額廩生增生各二十名二年一貢

和州學額進二十二名原額二十名同治四年加額二名廩生增生各三十名

三年兩貢 含山縣學二十二名原額二十名同治四年加額二名廩生增生

各二十名二年一貢

廣德州學額進二十六名原額二十五名同治四年加額一名廩生增生各三十

名三年兩貢 建平縣學二十名係原額廩生增生各二十名二

年一貢

六安州學額進三十二名原額二十名又原自廬州府學撥來二名咸豐四年加額一名同治四年

加額五名五年廩生增生各三十名三年兩貢 英山縣學十七

名原額十二名咸豐四年加額一名同治五年加額四名廩生增生各二十名二年一貢

霍山縣學二十二名原額十二名同治五年加額三名七年加額七名廩生增生各

二十名二年一貢

泗州學額進二十四名原額二十名同治四年加額二名五年加額二名廩生增生各

三十名三年兩貢 虹鄉學十二名額係原廩生增生各二十名

二年一貢原增額貢期以下各縣同盱眙縣學二十七名原額十六名又

來一名同治二年加額一名四 天長縣學二十一名原額十六名又

年加額六名五年加額三名 五河縣學十四名原額十二名同治十年加額二名

武學

武生學額舊制府學二十名大州縣學十五名中州縣學十二

名小州縣學八名歲科並行三年一考今額進

安慶府學額進二十名係原懷甯縣學二十四名原額十五名同治四

年加額八名七 桐城縣學二十五名原額十五名同治四年加額五名

潛山縣學二十二名原額十二名咸豐九年加額七名太湖縣學

二十三名原額十三名咸豐九年加額三名同宿松縣學十

九名原額十二名同治四年加額七名 望江縣學十二名原額八名同治四年七年各加額二名

徽州府學額進三十名原額二十名咸豐九年加額十名 歙縣學二十七名

原額十五名咸豐六年加額二名九年加額十名 休甯縣學二十八名原額十五名咸豐九年加額三名又 婺源縣學二十五名原額十五名咸豐九年加額十名 祁

門縣學二十四名原額十二名咸豐六年加額二名同治元年加額七名 黟縣學二十

四名原額十二名咸豐六年加額二名九年加額十名 績溪縣學二十名原額十二名咸豐九年加額五名同治元年加額三名

甯國府學額進二十名原額二十名 宣城縣學十八名原額十五名同治元年加額三名

額三 涇縣學二十五名原額十五名咸豐六年加額三名同治四年加額一名七年加額二名 南陵縣學二十名原額十五名同治元年加額三名 旌德縣學十四名原額十二名同治四年七年各加額一名

縣學十二名原額十二名

南陵縣學二十名原額十五名同治元年加額三名

旌德縣學十四名原額十二名同治四年七年各加額一名

平縣學二十三名

原額十二名咸豐九年加額七名同治元年加額三名七年加額一名

池州府學額進二十名

原額

貴池縣學十二名

係原額

青陽縣

學十六名

原額十二名咸豐九年同治元年各加額二名

銅陵縣學十五名

原額十二名同

治七年加額三名

石埭縣學十四名

原額十二名咸豐九年同治元年各加額一名

建德

縣學十四名

原額十二名同治元年加額二名

東流縣學八名

係原額

太平府學額進二十名

係原額

當塗縣學十二名

係原額

蕪湖

縣學十二名

係原額

繁昌縣學八名

係原額

廬州府學額進十八名

係原額

合肥縣學二十五名

原額十二名咸豐六年

年加額三名同治四年加額十名

廬江縣學二十名

原額八名咸豐六年同治四年加額二名同治四年加額四名

一名七年加額八名

舒城縣學十三名

原額八名同治四年加額一名七年加額四名

無為

州學二十二名

原額十二名咸豐六年加額三名同治四年加額三名同

巢縣學

十五名

原額十二名同治四年加額三名

鳳陽府學額進二十名係原額

鳳陽縣學二十七名原額十五名同治元

年加額三名七年加額一名十年加額八名

臨淮鄉學十名原額八名同治元年加額二名懷

遠縣學十四名原額八名同治元年加額三名七年加額一名定遠縣學十

二名原額八名同治四年加額四名壽州學十九名原額九名同治四年加

鳳臺縣學七名原額六名同治四年加額一名宿州學十名原額十二名

二名入渦靈璧縣學八名係原額

潁州府學二十名係原額阜陽縣學二十四名原額十五名同

入渦陽縣學四年加額六名七年加額四名原額八名咸豐九年加額三名

霍邱縣學十一名原額八名咸豐九年加額二名亳州學十二名

原額十二名同治三年撥二名入渦陽縣學十年加額二名渦陽縣學七名同治三年新設太

和縣學十二名原額八名同治四年加額四名蒙城縣學六名原額八名同

名入渦陽縣學

滁州學額進十七名

原額十五名同治四年各加額一名

全椒縣學十七

名

原額十五名同治四年各加額二名

來安縣學九名

原額八名咸豐九年加額一名

和州學額進十七名

原額十五名同治四年各加額二名

含山縣學十四名

原額

十二名同治四年各加額二名

廣德州學額進十六名

原額十五名同治四年各加額一名

建平縣學十二名

原額

六安州學額進二十四名

原額十四名咸豐六年加額一名同治四年各加額五名七年加額四名

英山縣學十三名

原額八名咸豐六年加額一名同治七年加額四名

霍山縣學十

六名

原額八名同治七年各加額八名

泗州學額進十六名

原額十二名同治四年各加額二名

虹鄉學八名

係原額

盱眙縣學二十二名

原額十二名同治四年各加額三名

天長縣學

十六名

原額十二名同治四年各加額四名

五河縣學十名

原額八名同治元年各加額二名